



光緒順天府志

京師志
苑園
壇廟
祠祀

ル 5
1481
3



門小五 6
號 1481
卷 3

凡 5
1481
3



京師志四

光緒順天府志四

苑囿

行宮附

侯官陳嘉謨江陰繆荃孫覆輯

古帝王之設苑囿蓋以茂對時物節宣氣序故雖聖主不廢靈囿
靈沼詩所以頌周文也

國朝

聖

聖相承恭儉維德

世祖本前明之舊修

南苑以備蒐狩若

暢春

圓明諸園亦皆勤政敕幾劭農觀稼之所也昔潛君高志臨安苑
園以為非奉親歡修國典皆弗繕治美其君無于逸于游之好然

而南宋躋局偏隅民貧地感財力之匱非盡主極之清明也我
國家巍然建中興之業薄海內外民物豐阜終以顧念時艱重于
興作輟而弗康斯

聖明之至已今之所敘皆咸豐以前之規制云志苑圃

南苑在永定門外二十里元為下馬飛放泊南苑冊元混一方
與勝覽下馬飛放泊

在大興縣正南廣四十頃元兵志元制冬春之交天
子親幸近郊縱鷹隼搏擊以為游豫之度謂之飛放明永樂中

增廣其地舊為下馬飛放泊內有涼鷹臺永樂十二年增廣其地
周圍凡一萬八千六百六十丈別名南海子南苑冊
繚以周垣設海戶千人守視自永樂

定都以來歲歲蒐獵于此

本朝設總尉防禦等官守之南苑冊會典南苑總尉
一人正四品防禦八人正五品周垣

百二十里為門凡九正南曰南紅門東南曰迴城門西南曰黃邨

門正北曰大紅門稍東曰小紅門正東曰東紅門東北曰雙橋門

正西曰西紅門西北曰鎮國寺門蕃育禽獸其中為行圍講武之
地皇朝通志凡田於近郊設圍場於

南苑以奉宸苑領之統圍大臣督八旗統領等各率所屬官兵先

洩圍場布列鑲黃正白鑲白正藍四旗以次列于左正黃正紅鑲

紅鑲藍四旗以次列于右兩翼各置旗以為表兩哨前隊用白兩

協用黃中軍用鑲黃

駕至圍場合圍較獵大清會典

大紅門內

更衣殿南向門二層大殿三間乾隆三年建南苑冊

舊衙門在小紅門西南宮門三楹前殿五楹二層三層殿宇各五

楹建自前明

本朝順治十五年重加修葺

陰榆書屋三楹在後殿東轉西爲西書房南爲書室平臺樓之東另一所宮門三楹內殿二層

苑册南

南宮在南紅門內里許宮門二重前殿五楹後殿五楹再後西正室三楹康熙五十二年建

苑册南

新衙門在鎮國寺門內約五里許宮門三楹左右垂花門內對面房十間前殿三楹後殿五楹建自前明宮門前鐵獅子二上鐫延祐元年十月製元時舊物也後殿之東

裕性軒五楹西爲

澹思書屋後爲

陶春室

苑册南

團河行宮一所在黃邨門內宮門三間前殿五間後殿五間東所大宮門三楹東西配殿各三楹九間房九楹河中敞宇三楹平臺

三楹石板房三楹石亭一水柱房二楹六方亭一河亭三楹圓亭

一半山房五楹西臨河房五楹

南苑册 按苑中如元靈宮甯作廟及永慕永佑德壽諸寺殿宇

規制均詳寺觀門

暢春園在西直門外十二里地名海淀繚垣一千六十丈有奇

畿輔

唐志

聖祖仁皇帝以萬幾之暇

駐蹕於此酌泉而甘因明武清侯李偉故園址改建周方十餘里

築宮設籓

賜名暢春園時奉

孝莊文皇后

孝惠章皇后憩焉政事幾務卽裁決其中

高宗純皇帝御極後葺新園宇每逢

駐蹕圓明園敬奉

聖母皇太后安憩於此宮門內中為

九經三事殿皇朝通志都邑略二宮門中為

春暉堂東西有配殿後為垂花門內殿為

壽萱春永有左右配殿東西耳殿後照殿照殿後倒座殿為嘉蔭

兩角門中為積芳亭正宇為雲涯館館後渡橋循山而北有河池

南北立坊二曰玉澗金流門內為景瑞軒軒後為林香山翠又後

為延春樓樓後河上為鳶飛魚躍亭稍南為觀蓮所樓左為式古

齋齋後為倚樹園暢春園冊園內築東西兩隄長各數百步東隄曰丁

香堤西隄曰蘭芝堤皆通瑞景軒西隄外別築一堤曰桃花堤東

西兩堤之外大小河數道環流苑內出西北門五空闌達垣外東

經水磨邨趨清河西流則由馬廠北注入

圓明園自宮門至此為

暢春園中路舊聞考七十二雲涯館東南角門外轉北過板橋為劍山山

上為蒼然亭下為清遠亭由山東轉為龍王廟過清遠亭沿堤而

南河上築南北垣一道中有門西向日廣梁門門內為

澹甯居前殿為

聖祖御門聽政選館引

見之所後殿為

高宗舊時讀書之處大東門土山北循河岸西上為淵鑑齋齋後

臨河為雲容水態左廊後為佩文齋齋後西為葆光亭東為蘭藻

齋淵鑑齋之前水中有藏輝閣閣後臨河為清籟亭佩文齋之東

北向為養愚堂對面為藏拙齋淵鑑齋東過小山口北有府君廟

蘭藻齋循東岸而北轉山後為疏峰循岸而西臨湖正軒為太樸

太樸之東有石徑接東垣即小東門溪北為清溪書屋後為導和堂西穿堂門外為昭回館清溪書屋之西為藻思樓樓後為竹軒

暢春園册導和堂東穿堂門即恩佑寺佛殿後澹甯居一路至此為

暢春園東路舊聞考七十六

春暉堂之西出如意門過小橋為玩芳齋山後為韻松軒舊名閑

邪存誠雍正二年

高宗曾讀書于此乾隆四年燬于火重建

二宮門外出西穿堂門為買賣街南垣外為船塢門內別宇五楹

北向暢春園册舊聞考買賣街建長河南岸略仿市廛景物

一名載月船北向房額曰西野上接無逸齋之東門由船塢西行數武即

無逸齋東垂花門內正宇跨河上為韻玉廊廊西為松篁深處自

右廊入為

無逸齋門內有正殿西廊內正宇為對清陰廊西為蕙畹芝原

暢春園册

無逸齋康熙年間

賜理密親王居住嗣移居

西花園遂為年幼

皇子

皇孫讀書之所

高宗御極恭詣

暢春園問安于此傳膳辦事齋內

御書周書無逸篇後有

御題十韻舊聞考七十六

無逸齋北角門外近西垣一帶南為菜園數十畝北則稻田數頃

春暮時深黃淺碧宛然圖畫東過板橋方亭爲蓮花巖對河爲松

柏間廟後有娘娘殿殿臺方式建于水中

暢春園冊

凝春堂在淵鑑齋之西東室爲

純約堂舊時無額因東室

純約堂爲

聖祖御題卽稱爲

純約堂乾隆十二年重修以奉

聖母慈像

高宗御題是額

舊聞考七十六

其右河廳爲迎旭堂

純約堂東爲招涼精舍河廳之西爲宛轉橋橋北圓門爲憩雲迎

旭堂後迴廊折而北爲曉煙榭河岸以西爲松柏室其左爲

樂善堂有亭爲天光雲影松柏室後出山口臨河爲紅藥亭自天

光雲影後廊出北小門登山東宇爲綠窗山北爲回芳墅紅藥亭

東爲秀野亭自回芳墅北轉山口過河水中傑閣爲藥珠院院北

阜上層室爲觀瀾榭西河廳東河廳爲坐煙槎臺榭後正宇爲蔚

秀涵清後爲流文亭藥珠院之西過紅橋北爲集鳳軒軒前連房

中爲穿堂門門北有正殿殿後稍左爲月崖其右有亭爲錦陂度

河橋西爲俯鏡清流

暢春園冊

舊聞考由俯鏡清流穿堂門西出循河而南卽大西門延樓四十二楹其

外卽西花園之馬廐

集鳳軒後河橋西爲閘口門閘口北隨牆設小門西

北一帶構延樓自西至東北角上下共八十有四楹西樓爲天馥

齋內建崇基中立坊自東轉角樓再至東面樓共九十六楹中樓

爲雅玩齋天馥齋東爲紫雲堂

暢春園冊

堂之西過穿堂北爲西北

門卽苑牆外也自

玩芳齋至此爲

暢春園西路再西則爲

西花園矣舊聞考七十六

樂善園在西直門外高粱橋之北宮門內正宇爲

倚虹堂樂善園冊乾隆十六年

聖母皇太后六旬萬壽自長河至高梁橋易輦進宮因建是堂

高宗臨幸

御園每于此傳膳視事舊聞考七十七堂西二里許爲

樂善園園門北向樂善園冊舊爲康親王園亭頽廢已久乾隆十二

年重加修葺其上游與昆明湖相接爲龍舸所必經云舊聞考七十七

樂善園宮門內跨小溪南爲穿室東向日意外味轉石徑而南爲

於此賞心內間北向爲含清齋東爲瀟碧北爲約花欄南有軒爲

雲隨波動含清齋對河敞宇爲池月岩雲中穿堂爲翠微深處內

爲

蘊真堂南宇爲氣清心遠別院有室曰鸞舉軒樂善園冊垣外是爲

園之南門於此賞心之西南又有一邨左有亭爲攬衆翠意外味

之西穿堂爲得佳賞西爲蘭秘室再西爲環青亭碧蘭秘室之北

有宇爲賞心勝地園門內有樓爲冲情峻賞東北爲紅半樓其旁

峙岩上者爲踞秀亭冲情峻賞之西南有室爲畫所不到東爲掛

長虹再東爲蔭林宅岫內宇爲古歡精舍園門以西臨河敞宇爲

自然妙有西室爲風湍幽響再西有軒爲詩畫間爲玉潭清謚亭

爲箇中趣亭北敞宇爲坐觀衆妙西出河口折而南有室爲致灑

然接宇爲光碧涵暉稍東曰遠青無際後爲雲林畫意再東有軒

爲心乎湛然折而南爲綠雲間樂善園冊西三里許爲大正覺寺正

覺寺西五里爲萬壽寺詳寺觀門萬壽寺之西路北設關門內有長衢

列肆北達

暢春園為

萬壽街居人稱為蘇州街舊聞考七十七

西花園在

暢春園西南垣為進水閘水北流注于馬廠諸渠河北正殿為

討源書屋左右室配宇再後做宇為

觀德處園西南門為承露軒後厦為就松室東為龍王廟園冊西花

西北有門即西花園之大北門也舊聞考七十八門內正宇後室舊稱為

東書房其右為永甯寺詳寺觀寺西為虎城稍西為馬廠再西為

閱武樓園之前有荷花沿池分四所為

皇子所居南所正門二門內正殿東廊門內正室西廊門內正室

南所之東為東所正門內正殿西廊門內正室二層再西後有室

由東所而西為中所門內正殿東廊門內有正室東為垂花門正

室二層西廊門內正室二層南所之西為西所門內正殿西廊門

內正室二層西花園冊

暢春園宮門之南有菱池俗稱菱角泡子者相傳即丹稜泔水其

源自萬泉莊北流而來詳水道沿堤而南則達聖化寺詳寺觀

泉宗廟在聖化寺山門外左右建橋由東開橋度河迤西為北所

宮門內正殿西院正殿左為虛靜齋臨河為欣稼亭自北所東橋

轉西重簷宮門內正殿為含瀆堂殿後重簷佛樓其右臨池正宇

佛樓正宇為得真齋其西為帶岳亭東為羃翠軒軒東為仙楹佛

樓東宇為湛凝齋左為敷嘉室仙楹之東為襟嵐書屋稍南循廊

而東為矚岩樓又南敞宇曰泉石且娛心寺北門有行殿二所東

距行殿二里為東門門內為永甯觀詳寺觀聖化寺冊

泉宗廟在萬泉莊繚垣三百九十四丈廟南爲池左右立坊二廟門榜曰

泉宗廟內爲

涵澤門門內正殿左右配殿殿後爲

樞光閣

泉宗廟冊

廟東西亭苑兩所門內碑亭二西亭恭勒

御製泉宗廟記碑陰恭勒

御製詩東亭恭勒丁亥乙未

御製詩

舊聞考七十九

東所內院中南宇稍南爲

曙觀樓樓西山後有敞室東北爲挹源書屋右有六方亭南爲觀瀾亭亭北爲扇涪室東爲向綠軒北爲主善堂堂西爲秀舉樓右有正廳堂北爲湛虛樓

樞光閣右廊而西正廳曰依綠軒軒南爲輝淵榭東接樂清館榭

之南建石坊二駕以石橋橋外稍東方亭曰津逮亭樂清館之南爲碑亭西南敞廳曰

愛景庭後爲集遠堂樂清館之西有正宇西爲苑之西單門泉宗廟冊樂清館之南碑亭內恭勒

御製萬泉莊記碑陰恭勒

御製詩

舊聞考七十九

廟內外淙泉之處

高宗各錫嘉名立石以志其在廟門之外者凡三南曰大沙泉小沙泉北曰沸泉廟內東所廳宇對岸曰滂泉曰層金泉曙觀樓後曰冰壺泉錦瀾泉規泉山後度虹橋曰露華泉鑑空泉印月泉觀瀾亭畔曰藕泉躍魚泉松風泉扇涪室後爲晴碧泉白榆泉向綠軒後畔曰桃花泉主善堂之西曰琴脈泉秀舉樓之右曰杏泉澹泉再南曰瀏泉樞光閣東配殿南爲洗鉢泉西所依綠軒右曰浣

花泉輝淵榭之南曰漱石泉橋畔曰乳花泉漪竹泉柳泉楓泉雲
津泉樂清館之南方池曰月泉西曰貫珠泉凡二十有八皆

高宗御書泉宗廟冊 嬰講海淀清華園殿晚李侯之別業也

焉淀之水濫觴一勺都人米仲詔濬之築為勺園李乃構園於上

流而規制有加米顏之曰清華初至見茅屋數間入重門境始大

池中金鱗長至五尺別院二邃麗各極其致為樓百尺對山瞰湖

堤柳長二十里亭曰花聚葉繞亭五六月見花不見葉也池東

百步置斷石石紋五色狹者尺許修者百丈西折為閣為飛橋為

山洞西北為水閣疊石以激水其形如簾其聲如瀑禽魚花木之

盛南中無以過也雪後聯木為冰船如施軒幕圍鑪其中引觴割

炙以越未知瑤池玉宇又何如爾長安客話北定有園一區水

袂凌越萬鍾仲詔新築也曰勺園又曰風煙里中有日色空天日

曹郎米萬鍾仲詔新築也曰勺園又曰風煙里中有日色空天日

太乙葉曰松垞曰翠葆曰林於澁都人稱曰米家園 燕都游

覽志勺園徑曰風煙里入徑亂石磊砢高柳蔭之南有陂上橋

日纓雲集蘇子瞻書下橋為屏牆上石曰雀浜勒黃山谷書折

而北為文水陂跨水有齋曰定舫舫西高阜題曰松風水月阜斷

為橋曰逶迤梁主人所自書也踰梁而北為勺海堂吳文仲篆堂

前怪石磴焉栝子松倚之其右為曲廊有屋如舫曰太乙葉週遭

皆白蓮花也東南皆竹有碑曰林於澁有高樓湧竹林中曰翠葆

樓鄒迪光書下樓北行為槎枒渡亦主人自書又北為水榭最後

一堂北窗一拓則稻畦
千頃不復有綠垣焉

圓明園在掛甲屯之北距

暢春園里許圓明園冊為

世宗憲皇帝藩邸

賜園康熙四十八年所建園內為門十八南曰

大宮門曰左右門曰東西夾道門曰東西如意門曰福園門曰西

南門曰水閘門曰藻園門東曰東樓門曰鐵門曰明春門曰隨牆

門曰藥珠宮門西曰隨牆門正北曰北樓門為閘三西南為一空

進水閘東北為五空出水閘西北為一空出水閘

大宮門前輦道東西皆有湖是為前湖詳水道門前左右朝房其後

東為宗人府內閣吏部禮部兵部都察院理藩院翰林院詹事府

國子監鑾儀衛東四旗各衙門直房東夾道內為銀庫又東北為

南書房東南為檔案房西為戶部刑部工部欽天監內務府光祿寺通政司大理寺鴻臚寺太常寺太僕寺

御書處

上駟院武備院西四旗各衙門直房西夾道之西南為造辦處又南為藥房

大宮門內為出入賢良門門左右為直房前跨石橋度橋東西朝房西南為茶膳房再西為繙書房東南為清書房為軍機處

冊舊聞考出入賢良門是為二宮門凡武職侍衛引見御此門較射左右直房為各部院臣工入直之所東西設兩單門各衙門奏事由東單門遞進茶膳房太監人等由西單門出入

正大光明殿東西有配殿後為

壽山殿東為洞明堂

正大光明殿東為

勤政親賢正殿

圓明園冊舊聞考勤政親賢四十景之一

勤政親賢之東為飛雲軒東有閣為靜鑑其北為懷清芬又北為秀木佳蔭軒後為生秋庭靜鑑閣東為芳碧叢後為

保合太和正殿後為富春樓樓東為竹林清響

正大光明殿後有湖亦稱前湖湖正北為

圓明園殿後為

奉三無私殿又後為

九州清宴殿

圓明園冊舊聞考九東為州清宴殿四十景之一

天地一家春西為

樂安和又西為清暉閣閣前為露香齋左為茹古堂為松雲樓右為

涵德書屋

圓明園冊

別為清暉閣四景

皇朝通志都邑略

鏤月開雲在富春樓之後圓明園冊 舊聞考原名牡丹臺卽
紀恩堂康熙壬寅

高宗觀

聖祖于斯堂之內承奉

恩旨養育宮中乾隆三十一年

御題額為紀恩堂皇朝通志 都邑略後字為

御蘭芬

鏤月開雲後有池一區池西北方樓為

天然圖畫樓圓明園冊 舊聞考天然圖畫四十景之一也北為

朗吟閣又北為竹邁樓東為

五福堂迤北為竹深荷淨其東南為靜知春事佳又東渡河為蘇

堤春曉

五福堂渡河而北山阜旋繞內為

碧桐書院圓明園冊 舊聞考其西巖石上為雲岑亭

碧桐書院之西為

慈雲普護圓明園冊 舊聞考前殿南臨後湖為歡喜佛場其

北樓宇有

慈雲普護額上奉

觀音大士下祀

關聖帝君東偏為

龍王殿祀

圓明園昭福龍王

慈雲普護之西臨湖有樓為

上下天光圓明園冊 舊聞考左右各有六方亭後為

平安院

上下天光之西折而南渡橋為

杏花春館

圓明園冊 舊聞考 杏花春館四十景之一

西北為春雨軒軒西為杏花邨

邨南為礪壑餘清春雨軒後東為鏡水齋西北室為抑齋又西為

翠微堂

杏花春館之西度碧瀾橋為

坦坦蕩蕩

圓明園冊 舊聞考 坦坦蕩蕩四十景之一

三楹為素心堂後字為光風霽

月堂東北為知魚亭又東北為萃景齋西北為雙佳齋

圓明園冊 坦

坦蕩蕩之南為

茹古涵今

圓明園冊 舊聞考 茹古涵今四十景之一

其後方殿為韶景軒韶景軒前

東為茂育齋西為竹香齋又北為靜通齋茹古涵今之南為

長春仙館為

高宗舊時

賜居其後恭值佳辰令節迎奉

安輿駐居斯館焉

圓明園冊 舊聞考 長春仙館四十景之一

長春仙館之西為含碧堂五楹堂後為林虛桂靜左為

古香齋其東楹有閣為

抑齋林虛桂靜東稍南為墨池雲後有殿為

隨安室由

長春仙館西南門迤西為

藻園內為曠然堂堂後為貯清書屋曠然堂東池上為夕佳書屋

稍北為鏡瀾榭東南樓為凝眺為懷新館西北為湛碧軒西南為

湛華

萬方安和

圓明園冊 舊聞考 萬方安和四十景之一 在

杏花春館西北建宇池中形如卍字

萬方安和後度橋折而東稍北石洞之南為

武陵春色圓明園冊 舊聞考 武陵春色四十景之一舊總名桃花塢雍正四年

高宗讀書于此顏曰

樂善堂旋移居於長春仙館池北軒為壺中日月長東為天然佳妙其南廈為洞天日月多佳景

武陵春色之西為全璧堂東南亭為小阮棲遲堂後由山口入東為清秀亭西為清會亭北為桃花塢塢之西室為清水濯纓又西稍北為桃源深處塢東為縮春軒軒東北為

品詩堂

萬方安和西南為

山高水長樓圓明園冊 舊聞考 山高水長四十景之一其地為外藩朝正錫宴及平

時侍衛較射之所每歲燈節則陳火戲於此西向九楹後擁連岡前帶河流中央地勢平行凡數頃

山高水長之北度橋由山口入梵刹一區為

月地雲居殿圓明園冊 舊聞考 月地雲居四十景之一前殿方式四面各五楹後樓

上下各七楹

月地雲居之東為法源樓又東為靜室西度橋折而北為劉猛將

軍廟

月地雲居之後循山徑入為

鴻慈永祐圓明園冊 舊聞考 鴻慈永祐四十景之一

安佑宮前琉璃坊座南面額也左右石華表各一坊南及東西復有三坊環列其南為月河橋又東南為

致孚殿

宮門為

安佑門門前白玉石橋三座左右井亭各一朝房門內重檐正殿為

安佑宮配殿碑亭各一燎亭各一圓明園冊建自乾隆七年

高宗恭仿

壽皇殿之製敬奉

聖祖

世宗聖容歲時朔望瞻禮於茲

鴻慈永祐之前三坊南曰羹牆愀慕曰雲日瞻依東曰勳華式煥曰謨烈重光西曰德配清甯曰功隆作述

鴻慈永祐後垣西北為紫碧山房前宇為橫雲堂山房東巖洞中為石帆室東南為豐樂軒北為霽華樓迤東為景暉樓橫雲堂西

池上為澄素樓西北為引溪亭

鴻慈永祐東垣外逕連岡三重度橋而東則

彙芳書院

圓明園冊 舊聞考 彙芳書院四十景之一

內宇為杼藻軒後為涵遠齋齋

前西垣內為翠照樓東垣內為倬雲樓又東為眉月軒倬雲樓南稍東為隨安室又東敞宇三楹為問津逾溪橋數武有石坊為斷橋殘雪

彙芳書院之南為

日天琳宇

圓明園冊 舊聞考 日天琳宇四十景之一

西前樓下之正宇也其制有中

前樓中後樓上下各七楹有西前樓西後樓上下各七楹前後樓間穿堂各三楹中前樓南有天橋與樓相屬天橋東南重簷八方者為燈亭西前樓南為東轉角樓又西稍南為西轉角樓中前樓之東垣內八方亭為楞嚴壇又東別院為

瑞應宮前為仁應殿中為和感殿後為晏安殿

日天琳宇迤東稍南稻田彌望河水周環中有田字式殿凡四門

其東北面皆有樓北樓正宇為

澹泊甯靜

圓明園冊 舊聞考 澹泊甯靜四十景之一

東為曙光樓殿之東門外為翠

挾樓西門外別垣內宇為多稼軒其東臨稻畦者前為觀稼軒後

為怡情悅目為稻香亭又東稍北為溪山不盡為蘭溪阮玉多稼

軒西池南為水精域西偏為靜香書屋為招鶴磴池後東北為寸

碧西北為引勝正北為互妙樓別為多稼軒十景

澹泊甯靜渡河橋而西為

映水蘭香

圓明園冊 舊聞考 映水蘭香四十景之一

東南為釣魚磯北為印月池池

北為知耕織又北稍東為濯鱗沼

映水蘭香西南為貴織山堂祀蠶神

映水蘭香東北為

水木明瑟

圓明園冊 舊聞考 水木明瑟四十景之一

水木明瑟之北稍西為文源閣乾隆二十九年建以貯

四庫全書閣前石為珍峰刊

御製文源閣詩閣東亭內石碣刊

御製文源閣記閣西為柳浪聞鶯

水木明瑟西北環池帶河為

濂溪樂處

圓明園冊 舊聞考 濂溪樂處四十景之一

正殿後為雲香清勝東垣為芟

荷深處折而東者為香雪廊其東有樓為雲霞舒卷樓北亭為臨

泉

濂溪樂處之南為彙萬總春之廟以祀花神正殿為蕃育羣芳殿

東北樓為香遠益清樓西為

樂天和為

味真書屋又西為池水共心月同明廟東沿山徑出為

普濟橋

濂溪樂處迤北對河外稻塍者為

多稼如雲圓明園冊 舊聞考 多稼如雲四十景之一前宇為芰荷香正宇東稍南有

室為港綠

多稼如雲東北為

魚躍鳶飛圓明園冊 舊聞考 魚躍鳶飛四十景之一四面為門東廂為暢觀軒西南

為鋪翠環流樓南有室為傳妙又南出山口為多子亭

魚躍鳶飛之東禾疇彌望河南北岸仿農居邨市者為

北遠山邨圓明園冊 舊聞考 北遠山邨四十景之一北岸石垣西偏為蘭野後為繪

雨精舍其西南為水邨圖又西有樓前後相屬前為皆春閣後為

稻涼樓又西為涉趣樓右為港虛書屋

北遠山邨東北度石橋折而西為港虛翠軒又西為耕雲堂又西

為若帆之閣港虛翠軒東數十武有

關帝廟

北遠山邨西南有室臨河西向為

西峰秀色圓明園冊 舊聞考 西峰秀色四十景之一河西松巒峻峙為小匡廬後有

龍王廟

西峰秀色之東為含韻齋又東為一堂和氣又東南為自得軒後

垣東為嵐鏡舫西為花港觀魚

西峰秀色迤東東西船塢各二所北岸為

四宜書屋即安瀾園之正宇圓明園冊 舊聞考 四宜書屋四十景之一

高宗於其地略仿海甯陳氏安瀾園之意因以命名舊聞考 八十東南

為莊經館又南為采芳洲其後為飛睇亭東西為綠帷舫

四宜書屋西南為無邊風月之閣又西南為涵秋堂北為煙月清

真樓樓西稍南為遠秀山房樓北度曲橋為染霞樓大小共為安

瀾園十景

四宜書屋之東臨池樓字為

方壺勝境圓明園冊 舊聞考 方壺勝境四十景之一南建坊二其北樓宇為噦鸞殿

又北為瓊華樓噦鸞殿東為蕊珠宮宮南為船塢後有龍王廟

方壺勝境西北為三潭印月又西北度橋為天宇空明其後為澄

景堂堂東為青曠樓樓西為華照樓

澡身浴德在福海西南隅即澄虛榭也圓明園冊 舊聞考 澡身浴德四十景之一福

海亦稱東湖周廣凡數頃正字向南為含清暉北為涵妙識折而

西向為靜香館又西為解愠書屋西南為曠然閣

澡身浴德之北度河橋為望瀛洲其北為深柳讀書堂堂北為溪

月松風

平湖秋月圓明園冊 舊聞考 平湖秋月四十景之一在福海西北隅正字三楹西為

流水音東北出山口臨河為花嶼蘭皋折而東南度橋為兩峰插

雲又東南為山水樂其北為君子軒為藏密樓

蓬島瑤臺圓明園冊 舊聞考 蓬島瑤臺四十景之一舊名蓬萊洲在福海中央門內

正殿殿前東為暢襟樓西為神洲三島東偏為隨安室西偏為日

日平安報好音由

蓬島瑤臺東南度橋為東島有亭為瀛海仙山西北度橋為北島

正字曰

接秀山房圓明園冊 舊聞考 接秀山房四十景之一在福海東隅正字三楹西向後

稍東為琴趣軒其北方樓為尋雲東南為澄練樓樓後為怡然書

屋尋雲樓稍東佛室為安隱幢

接秀山房之南為攬翠亭

接秀山房之南有做宇北依山南臨河為

別有洞天圓明園冊 舊聞考 別有洞天四十景之一西為納翠樓西北為水木清華

之閣閣西稍北為時賞齋

別有洞天迤西為

夾鏡鳴琴圓明園冊 舊聞考 夾鏡鳴琴四十景之一南為聚遠樓東為廣育宮中奉

碧霞元君前建坊座後為凝祥殿宮東為南屏晚鏡又東度橋為

西山入畫為山容水態

夾鏡鳴琴之西為湖山在望為佳山水為洞裏長春

涵虛朗鑒圓明園冊 舊聞考 涵虛朗鑒四十景之一在福海東即雷峰夕照正宇其

北稍西為惠和春又東北為尋雲榭又北為貽蘭庭為會心不遠

其南為臨眾芳為雲錦墅為菊秀蘭蕤為萬景天全圓明園冊 福海

西北隅平湖秋月之西為

廓然大公圓明園冊 舊聞考 廓然大公四十景之一前為雙鶴齋西北為規月橋東

北為綺吟堂又北為採芝徑又北徑巖洞而西為峭蒨居北垣門

外有樓為天真可佳峭蒨居西為披雲徑又西亭為啟香又西稍

南為韻石淙西北平臺臨池為芰荷深處垣外為影山樓雙鶴齋

西為環秀山房西北為臨湖樓圓明園冊 別為廓然大公八景 通志 都邑

略

坐石臨流圓明園冊 舊聞考 坐石臨流四十景之一在

水木明瑟東南

澹泊甯靜之東溪水周環軒宇西向

坐石臨流東南當碧桐書院正東為

翹院風荷翹院風荷四十景之一五楹南向其西佛樓為洛伽勝境

翹院風荷之南跨池東西橋九空坊楔二西為金鼇東為玉螭金鼇西南河外室為四圍佳麗玉螭東有亭為飲練長虹又東南度橋折而北設城關為甯和鎮其東為東樓門

翹院風荷之北為同樂園其前為清音閣東為永日堂中有南北長街街西為抱樸草堂街北度雙橋為舍衛城前樹坊楔三城南面為多寶閣內為山門正殿為壽國壽民後為仁慈殿又後為普福宮城北為最勝閣

洞天深處洞天深處四十景之一在如意館西稍南前字乃

諸皇子所居為四所東西二街南北一街前為福園門四所之西為

諸皇子肄業之所前為前天垂眛中為中天景物東字為斯文在

茲中祀至聖先師後為後天不老圓明園冊

長春園在

圓明園東本

圓明園東垣外隙地舊名水磨邨就添殿宇數所敬依

長春仙館

賜號錫名曰

長春園宮門外東西朝房正殿為

澹懷堂後為眾樂亭亭後河北做宇為雲容水態其西稍南為長

橋長春園冊 舊聞考園內諸河之水由 圓明園東垣之雲

容水態西北循山徑入建琉璃坊楔三其北宮門內為

含經堂後為消化軒又後為蘊真齋

含經堂東為霞翥樓又名味腴書屋為淵映齋堂西為梵香樓為涵光室

澹懷堂迤西濱河水石之間為菑園門西向長春園冊門左碑亭一

刊重摹梅石碑標勝亭西壁勒

高宗御製菑園八景詩舊聞考內為朗潤齋其東為湛景樓又東為

菱香泚朗潤有石立於園門內為青蓮朵齋東南山池間為標勝

亭又東南為別有天西北為韻天琴南角門別院為委宛藏

菑園後河北岸為

思永齋齋北樓宇臨池為山色湖光共一樓齋東別院為小有天

園

思永齋西稍南河外為得全閣南為寶雲樓北為遠風樓齋北河

池眾匯中有圓式崇基其上樓宇三層為海嶽開襟四旁坊楔各

一海嶽開襟之西河池外有亭為流香渚亭北為罨畫溪流香渚之西循山徑行即達

圓明園內之明春門海嶽開襟東北為諧奇趣東為法慧寺山門

寺東為寶相寺詳寺觀由寶相寺度城關而東迤南為翠交軒軒下

石室為熙春洞北為愛山樓又北為澤蘭堂愛山樓東北為平疇

交遠風南為轉湘帆平疇交遠風之東為叢芳榭後為琴清齋叢

芳榭之東為獅子林為虹橋為假山為納景堂為清閨閣為籐架

為磴道為古峰亭為清淑齋為小香幢為探真書屋為延景樓為

雲林石室為橫碧軒為水門長春園冊皇朝通志納景堂清

真書屋諸勝為獅子林之南為玉玲瓏館正宇為正誼明道北為

林光澹碧東為鶴安齋西南為蹈和堂玉玲瓏館之南為昭曠亭

亭東南為映清齋東為鑑園做宇西向北為漱瓊齋其東為師善

堂長春鑑園之後有船塢舊聞由鑑園北折而東為東宮門亦

稱大東門南北有朝房其外為護河有石橋鑑園西南為如園門

門內為敦素堂堂北稍東為冠霞閣又東為明漪樓長春由如

園山徑西行即

澹懷堂之東垣門舊聞

清漪園在萬壽山之麓

圓明園西二里許前為昆明湖乾隆十五年疏導玉泉諸派匯于

西湖易名曰昆明湖中設戰船仿福建廣東巡洋之制香山健銳

營弁兵於湖內按期水操就昆明湖隄岸為園

賜名清漪園皇朝通志

宮門東向門內南北朝房駕以石梁下為溪河左右單門內有內

朝房亦南北向內為

勤政殿殿後北達怡春堂西為玉瀾堂北為宜芸館館西為樂壽

堂堂後折而西為方池池北為樂安和樂安和西北為養雲軒軒

後為養秀亭亭西為無盡意軒又西稍北為圓朗齋無盡意軒之

西為

慈福樓樓後崇臺上石幢勒萬壽山昆明湖六字後刊

御製昆明湖記樓西為

大報恩延壽寺寺西為羅漢堂堂後為寶雲閣詳寺閣西為邵窩

為雲松巢又西為澄輝閣閣東南有三層樓樓西為聽鸛館館西

為石丈亭為石舫石舫之北有樓為延清賞西為曠觀齋又西為

水周堂自此以北建城關額曰宿雲檐曰貝闕上有樓祀關聖循

城關以北折而西是為園之西門矣清漪怡春堂後城關迤北

為

惠山園規制仿寄暢園建有

高宗御製惠山八景詩園門西向門內池數畝池東為載時堂其北為墨妙軒園池之西為就雲樓稍南為澹碧齋池南折而東為水樂亭為知魚橋就雲樓之東為尋詩徑徑側為涵光洞迤北為霽清軒軒後有石峽即園之東北門園西為雲繪軒軒東為延緣軒後廊有樓為

隨安室雲繪軒又西為花承閣閣後為多寶琉璃塔西北度橋為城關樓又西折而北為園之北樓門門在萬壽山之北門外東西朝房內為直房其南為長橋後為雲會寺詳寺觀寺北為構虛軒又

西為繪芳堂構虛軒西南為清可軒又西為味間齋齋北為綺望軒繪芳堂北隔河為嘉蔭軒昆明湖東西為長隄東隄之北為文昌閣其南為廓如亭亭西為長橋又南為繡漪橋廓如亭西度長

橋為廣潤祠詳祠祀祠西為鑑遠堂東北為望蟾閣繡漪橋北湖中

圓島山為鳳凰墩西隄之北為柳橋為桑苎橋中為玉帶橋稍南為鏡橋為練橋再南為界湖橋橋之北為景明樓景明樓西南湖中為

藻鑑堂堂西湖岸為

暢觀堂堂西北湖中圓城為門四其上為治鏡閣治鏡閣北湖岸

為延賞齋北為織染局清漪局冊局內前為織局後為絡絲局西為

蠶戶房環植以桑又西隔玉河皆稻田河水自此西接玉泉為

靜明園界舊聞考

靜明園在玉泉山之陽園西山勢窈深靈源濬發奇徵趵突是為玉泉山麓舊傳有金章宗芙蓉殿址無考惟華嚴呂公諸洞尙存康熙十九年建初名澄心三十一年始易今名

高宗御製十六景詩舊聞考

宮門南向門外東西朝房左右罩門二前為高水湖

宮門內為

廓然大公靜明園冊 舊聞考 正殿東西有配殿

廓然大公之北臨後湖湖中為

芙蓉晴照靜明園冊 舊聞考 芙蓉晴照為十六景之一 西為虛受堂堂西山畔有泉

為

玉泉趵突靜明園冊 舊聞考 玉泉趵突為十六景之一亦為燕山八景之一 舊稱玉泉垂虹第

垂虹以擬瀑泉則可若玉泉則從山根仰出噴薄如珠寶與趵突

之義院合泉上碑二左刊天下第一泉五字右刊

高宗御製玉泉山天下第一泉記汪由敦敬書石臺上復立碣二

左刊玉泉趵突四字右勒

上諭一道舊聞考 其上為龍王廟廟南循石徑而入為

竹鑪山房仿惠山聽松庵製得名通志都邑略 舊聞考 竹鑪山房為十六景之一 南為

開錦齋後為觀音洞其上為賞遇樓觀音洞之南為真武廟後為

呂祖洞旁為

雙關帝廟迤南為

聖因綜繪靜明園冊 舊聞考 仿西湖行宮景得名通志都邑略 舊聞考 聖

其西為寫流軒軒後為層明宇又西為福地幽居後為冠峰亭福

地幽居之西梵宇為華藏海又西為

繡壁詩態靜明園冊 舊聞考 繡壁詩態為十六景之一

繡壁詩態之西為

溪田課耕靜明園冊 舊聞考 溪田課耕為十六景之一

繡壁詩態之北為水月庵又東為城關北為

仁育宮詳寺觀

仁育宮之北為

清涼禪窟

靜明園冊 舊聞考清涼禪窟為十六景之一

後為嘉蔭堂東為霞起樓西

為犁雲亭

仁育宮前迤西度橋為園之

西宮門門外左右朝房中為石橋橋西即達香山之

蹕路也

清涼禪窟之北為涵漪齋西為飛淙閣東為練影堂稍南為挂瀑

簷涵漪齋之西夾牆門外為妙喜寺詳寺觀自妙喜寺以西為

靜宜園界舊聞考

清涼禪窟之北為

采香雲徑

靜明園冊 舊聞考采香雲徑為十六景之一

其南有樓曰靜怡書屋

采香雲徑稍北折而東為招鶴亭南為

峽雪琴音

靜明園冊 舊聞考峽雪琴音為十六景之一

峽雪琴音迤南山巔為

玉峰塔影

靜明園冊 舊聞考玉峰塔影為十六景之一

塔建峰巔仿金山妙高峯之

制前為清嚴寺後為妙高室

玉峰塔影之後北峰上為妙高寺殿後為妙高塔又後為該妙齋

崇靄軒在妙高峰之西其東為含醕室後為詠素堂含經堂在妙

高寺東山麓其東北臨溪為書畫舫含經堂南有樓為

風篁清聽

靜明園冊 舊聞考風篁清聽為十六景之一

東為如如室西為迎青閣又

西稍南為飛雲岷

風篁清聽之西度橋而南為池池東為延緣廳池西為漱遠緣為

試墨泉又西為

鏡影涵虛

靜明園冊 舊聞考鏡影涵虛為十六景之一

南為分鑑曲又南為寫琴廊

為觀音閣寫琴廊迤南為含暉堂後有清音齋齋前為

裂帛湖光

靜明園冊 舊聞考裂帛湖光為十六景之一

齋西山麓為碧雲深處東為

心遠閣由閣折而北為羅漢洞又上為水月洞又西山麓為古華

嚴寺寺後為

雲外鐘聲

靜明園冊 舊聞考雲外鐘聲為十六景之一

東為伏魔洞碧雲深處迤南

為

翠雲嘉蔭

靜明園冊 舊聞考翠雲嘉蔭為十六景之一

即華滋館門額也後為翠雲

堂東為甄心齋

翠雲嘉蔭之東為小南門稍南為

東宮門門外左右朝房圍南宮門西南為影湖樓小東門外長隄

石橋上建石坊二迤東為界湖樓橋下水北注玉河沿河皆稻田

又北為石道迤邐至青龍橋即達

清漪園之

輦道也

舊聞考八十五

靜宜園在香山名勝若來青軒洪光寺諸處及婆羅寶樹皆昔蒙

聖祖仁皇帝臨幸乾隆十年重修葺

御製二十八景詩

舊聞考八十五

園前為城關二由城關入東西各建坊

楔中架石橋下為月河度橋左右朝房宮門內為

勤政殿

靜宜園冊 舊聞考勤政殿為二十八景之一

南北配殿殿前為月湖北為致

遠齋齋西為韻琴齋為聽雪軒東有樓為正直和平

勤政殿後西為橫秀館東向其南亭為日夕佳北為清寄軒橫秀

館後建坊座內為

麗曠樓

靜宜園冊 舊聞考麗曠樓為二十八景之一

樓後為多雲亭南為

緣雲舫

麗囑樓迤南為

虛朗齋

靜宜園冊 舊聞考虛 齋為二十八景之一

相傳卽永安邨齋前石渠為流

觴曲水南為畫禪室後為學古堂東為郁蘭堂西為貯芳樓又後

宇為物外超然其外東西南北四面各設

宮門

東宮門外石路二南達香山東建城關達於帶水屏山帶水屏山

門宇南向西為對瀑北為懷風樓其左為琢情之閣東南為得一

書屋西為山陽一曲精廬靜宜園冊帶水屏山瀑泉自雙井迤邐東

注至是匯為池舊聞考 八十五帶水屏山之西為

瓔珞巖

靜宜園冊 舊聞考 瓔珞巖為二十八景之一

其上廳宇為緣雲深處巖東稍

南為

翠微亭

靜宜園冊 舊聞考 翠微亭為二十八景之一

亭東有亭為

青未了

靜宜園冊 舊聞考 青未了為二十八景之一

迤西巖際為

馴鹿坡

靜宜園冊 舊聞考 馴鹿坡為二十八景之一

迤西有龍王廟下為雙井其上

為

蟾蜍峰

靜宜園冊 舊聞考 蟾蜍峰為二十八景之一

峰北稍東為松塢雲莊又東有

樓為憑襟致爽後為棲雲樓

香山寺前石橋下方池為

知樂濠

香山寺

靜宜園冊 舊聞考 香山寺為二十八景之一

寺為金章宗會景樓故址徐善泠然

志 在瓔珞巖之西詳寺觀正殿門外有

聽法松

靜宜園冊 舊聞考 聽法松三字鐫石欄上為二十八景之一

山門內有婆羅樹寺北

為觀音閣後為海棠院東為

來青軒

靜宜園册 舊聞考來青軒為二十八景之一

西為妙高堂軒西南為

歡喜園

東西各有坊楔香山寺北稍西六方亭為

唳霜泉

靜宜園册 舊聞考唳霜泉為二十八景之一

香山寺

西北由盤道上為洪光寺觀 殿左為

香岫室

靜宜園册 舊聞考香岫室為二十八景之一 寺前盤道間做宇為

霞標磴

靜宜園册 舊聞考霞標磴為二十八景之一 磴北為

玉乳泉

靜宜園册 舊聞考玉乳泉為二十八景之一 泉西稍南為

絢秋林

靜宜園册 舊聞考絢秋林為二十八景之一 巖間巨石森列鑄題曰蘿屏曰

翠雲堆曰留青又上為觀音閣額曰鸚集崖崖旁勒仙掌二字下

有石臨泉

鑄題曰羅漢影 舊聞考有石臨泉為二十八景之一

絢秋林北為

雨香館

靜宜園册 舊聞考雨香館為二十八景之一 後為洒蘭書屋其南林天石海

自勤政殿以迄雨香館是為內垣為景凡二十內垣凡六門曰東

南門曰東北門西曰約白門西南曰如意門西北曰中亭子門北

曰進膳門

舊聞考八十五

麗鵬樓北度嶺為

晞陽阿

靜宜園册 舊聞考晞陽阿為二十八景之一 其北坊座一東坊座一西為朝

陽洞深廣可丈餘內祀龍神後為觀音閣

晞陽阿北為

芙蓉坪

靜宜園册 舊聞考芙蓉坪為二十八景之一 鑄題于石壁間坪西南為

香霧窟

靜宜園册 舊聞考香霧窟為二十八景之一 後為竹鑪精舍其北巖間有西

山晴雪石幢燕山八景又北為潔素履

香霧窟南稍東為

栖月崖

靜宜園册 舊聞考栖月崖為二十八景之一 其西宇為得趣書屋距崖半里

許設石樓門鐫題曰雲闕崖北為

重翠庵靜宜園冊 舊聞考重其下為龍王堂堂下有泉庵東

南為玉華寺詳寺觀廳宇為

玉華岫靜宜園冊 舊聞考玉寺北門內有石洞出泉稱玉華

泉舊聞考其東為皋塗精舍

玉華岫西南峰石屹立上勒

高宗御題曰

森玉笏靜宜園冊 舊聞考森東北為超然堂堂南為曠覽臺

後為碧峯館

森玉笏東北峯上有亭為

隔雲鐘靜宜園冊 舊聞考隔自晞陽阿以迄隔雲鐘是為外

垣為景凡八舊聞考外垣之北別垣內佛宇為宗鏡大昭之廟詳寺觀

廟北度石橋為

正凝堂堂北為暢風樓正凝堂迤北為碧雲寺詳寺觀寺北為涵碧

齋後為雲容水態為洗心亭又後為試泉悅性山房靜宜園冊

良鄉縣

行宮在縣北五里黃新莊乾隆十三年建為謁

陵駐蹕之地良鄉楊志

郊勞臺在縣南三里乾隆二十五年建楊志 舊聞考乾隆二十

一年大將軍阿桂等平定兩金川奏凱于四月二十七日行郊勞禮又乾隆四十

禮

三河縣

行宮一在縣西北里大新莊乾隆十九年建三河陳志 舊

有行宮乾隆十九年始移建於山迤北之大新莊一在縣西五十里煙郊今按煙郊鎮在

州接 乾隆二十年建 陳志 舊聞考煙郊 行宮建自康熙年間乾隆二十年移建于舊址迤南

昌平州

行宮在州東三十里湯山康熙年間建 昌平宋志 一統志湯山下有溫泉 行宮在焉

順義縣

行宮一在縣西 里三家店 順義黃志 采訪冊縣治西從東直門出京往古北口驛路一道境

內計程四十八里自大興縣界古柳樹一十二里至治西三家店有行宮駐蹕自三家店二十里至牛欄山鎮又一十六里至懷柔縣

柔縣一在縣西北 里南石槽 黃志 采訪冊縣治西北發界

計程二十五里自昌平州界官莊橫道一十二里至治西北南石槽有行宮駐蹕從南石槽歧路三里至北里槽又十里至昌平

州界

懷柔縣

行宮在縣南門外康熙五十三年建為

御駕往熱河避暑駐蹕之所 舊聞考 懷柔吳志先於南門外二教堂左側張設龍棚康熙四十九年

即三教堂舊址改建祇園寺遂建 行宮於其地康熙五十三年增建殿宇 按采訪冊 御道於此自昌平州交界峯山口起五里至南富樂五里至花莊五里至房家莊五里至駙馬莊五里至密雲縣交界之梨園莊共二十五里嗣奉部核定二十三里先是

柔縣之羅山店入密雲界康熙四十六年以東直門一帶山路經懷柔縣之泥溝難行改自西直門外 暢春苑起經蘭溝南石槽至

峯山口入懷柔縣界峯山口向惟小徑通步乃鑿石丈許平坦以

通車

密雲縣

行宮一在縣東門外一里劉家莊康熙二十二年建一在縣東北

三十五里羅家橋康熙五十一年建一在縣東北七十里要亭莊

康熙三十二年建 密雲丁志 按舊聞攷要亭一作遙亭而密雲

要亭按水經出塞外東南流逕要陽縣城東考 御製各詩集題皆作

涿州

行宮在南城里許乾隆十六年建 涿州吳志 續志道光二十六年知州郭寶勳奉文委員勘估

變價

萬壽亭同治五年重修采訪冊

霸州

行宮在州南太堡邨淀神祠旁乾隆三十五年建霸州周志

文安縣

行宮一在縣東二十里蘇家橋乾隆二十六年建為

御駕閣視隄工駐蹕之所文安志

皇恩亭在蘇橋北楊志志又云康熙四十年御臨唐太宗所書漢文帝

勸農詔賜撫臣李光地同一在縣東北左家莊乾隆三十四

年楊志舊聞考左

大城縣

行宮在縣北口口里臺頭邨乾隆十四年建巡閱隄工駐蹕之所

采訪冊

薊州

行宮一在城西四十里白澗莊乾隆十口年建薊州沈志按州

建而日下舊聞考載有乾隆九年御駕展謁御製白澗行宮詩或州

志衍十字歟再攷白澗莊為御駕展謁十五年行宮必非十八年建

修碑記謹釋碑文已稱茲庵附近離官則御製必非十八年建

矣一在州北二十五里盤山玉石莊乾隆九年建沈志按日下

年謹釋御製靜寄山莊記文當以九年為是且舊聞考十九

有乾隆十二年御製十六景詩其第一一篇即靜寄山莊也

豈製詩在前建宮在後乎殿宇以爲歲時駐蹕之所鑿與上

之盤山志盤山行宮居山之午方前岡如屏後嶂如展自玉

石莊迤邐東達於縹垣之南垣壘以文石周遭十餘里隨山徑高

宮乾隆十九年建道流垣內山下設插以時啟閉又按盤山層

巖飛翠清虛玉宇鏡圓常照眾音松吹四面芙蓉貞觀遺蹤外八

景曰天成寺萬松寺舞劍臺盤谷寺雲罩寺紫蓋峯千相寺浮石

舫按盤山名石舊聞考云在行宮西偏相傳為太宗東征涼

甲於此凡盤山石今各見於所在之地此石為行宮內八景

順天府志四

之一特附識 瞭一在州東十八里桃花山乾隆

甲之名於此 年建一在州

東六十里葛山隆福寺右乾隆

碑略隆福寺在薊州東去孝陵一舍而近則已與遵化州接壤矣

且隆福寺山名葛山為遵化 昌瑞山之支山焉得云在西也

舊聞考隆福寺右 行宮 御題六景曰翠雲山房曰翠

微堂曰碧巖丹楓曰天半舫曰抱霞叫月淵誌作日翼然亭

華陽吳祖椿校

京師志五 光緒順天府志五

壇 侯官陳壽纂江陰繆荃孫覆輯

廟 聖王制禮必先郊廟重本也漢用方士說祀泰一五帝宗廟之外

又有原廟郡國廟不經甚矣唐宋以下意在修明而分祭合祭聚

訟盈庭太祖東嚮之位莫定一尊昭穆遞遷之序任情更易非聖

人復起惡能窺夫制作之原者乎我

世祖章皇帝入關定鼎首以卽位告祭

天地庶事草創而

郊

廟諸大典次第釐定

高宗純皇帝恢而廣之考經義易制度俎豆尊彝親加審定紹姬

孔之精心續豐鎬之逸典盛哉莫與京已况遼金元明繼宅茲土
天地神祇咸數百年歆享於此禮祀之長久亦古所無也志

壇

廟

天壇在正陽門外南郊形圓象天南嚮三成上成徑九丈高五尺
七寸二成徑十有五丈高五尺二寸三成徑二十一丈高五尺上
成石面九重自一九環登遞加至九九二成自九十遞加至百六
十有三成自百七十有一遞加至二百四十有三合一三五七
九陽數每成四出陛皆白石九級上成石闌七十有二成百有
八三成百八十合三百六十周天之度柱如之內壇形圓周百有
六丈四尺高五尺九寸壇門四皆六柱三門柱及楣闕皆白石扉
皆朱櫺壇外東南丙地燔柴爐一高九尺徑七尺登以綠琉璃壑

坎一東南燎爐五西南燈杆三外壇形方周二百十丈一尺高八
尺六寸門制與內壇同燎爐四分設於壇東西門之左右壇北爲
皇穹宇正中南嚮環轉八柱圓檐上安金頂基高九尺徑五丈九
尺九寸石闌四十有九東西南三出陛各十有四級左右廡各五
間一出陛殿廡覆瓦均青色琉璃圍垣形圓周五十六丈六尺八
寸高丈有八寸南設三門崇基石闌前後三出陛各五級外壇東
門外東北隅

神庫

神厨各五間井亭一祭器庫樂器庫椽薦庫各三間又東爲宰牲
亭井亭各一壇外垣門四東曰泰元南曰昭亨西曰廣利北曰成
貞皆朱扉金釘縱橫各九昭亨門外東西石坊各一

祈年殿在成貞門北壇圓三成南嚮上成徑二十一丈五尺二成

徑二十三丈二尺六寸三成徑二十五丈面登金磚圍以石石闌四百二十南北三出陞東西一出陞上成二成各九級三成十級壇上建

祈年殿制圓內外柱各十有二龍丹柱四檐三重上金頂左右廡各九間均覆青琉璃前為

祈年門崇基石闌前後三出陞各有一級門外東南燔柴鑪一瘞坎一燎鑪五制如

園丘祈年殿享殿大享門乾隆十六年改今名內壝周百九十丈七尺二

寸門四北門後為

皇乾殿五間上覆青琉璃南嚮正面三出陞東西一出陞各九級石闌五十有九內壝東門外長廊七十二間二十七間至

神厨并亭又四十五間至宰牲亭為祭時進俎豆避雨雪之用壝

外圍垣東西北三面各有門南接成貞門成貞門外西北為

齋宮東嚮正殿五間崇基石闌三出陞陞前左設齋戒銅人石亭

一右設時辰牌石亭一後殿五間左右配殿各三間內宮牆方百二十三丈九尺九寸中三門左右各一門牆外環地前跨石梁三

左右各一東北隅鐘樓一外宮牆方一百九十八丈二尺環以迴廊一百六十三間復繞以深池宮門石梁均與內同大清會典七十一

神樂署東嚮正中凝禧殿五間崇基三出陞各六級左右步廊各二間後顯佑殿七間左右各三間殿後袍服庫二十三間典禮署

奉祀堂南北各三間左右門各三間左門東通贊房恪恭堂各三間正倫堂候公堂各五間南轉穆侑所三間右門東掌樂房協律

堂各三間教師房伶倫堂各五間北轉昭侑所三間前後均併檐通脊正門三間三出陞各四級圍牆東西四十四丈四尺南北二

十丈七尺二寸神樂署舊名神樂觀乾隆二十年改今名儀牲所
凝禧殿舊名太和殿康熙十二年改今名

南嚮大門三間花門一座正房十有一間中三間奉司犧牲神左
右牧夫房各二間牛房各二間後屋十有六間內滿漢所牧房各
三間所軍房一間貯草房五間草夫房四間東邊兩重四十八間
內貯料房二間貯草房三間牛房十有五間羊房五間鹿房二十
間兔房三間西邊一重十有五間內庫房一間泡料房磨房各二
間豕房五間牛房五間鹿檻牛枋均分列屋之左右西北隅官廳
三間東嚮井一北門一間圍牆東西五十二丈南北五十二丈五
尺壇外垣前方後圓周千九百八十七丈五尺高一丈一尺五寸
址厚八尺頂厚六尺西嚮門一三間角門一會典事例六
百六十三明嘉靖
九年定分祀天地之議於大祀殿南建
圓丘

本朝因之重加繕治其制益備乾隆十四年
上以

圓丘壇位張幄次陳祭器處宜量加寬廣
命仍九五之數而展拓焉十八年復鼎新
南郊壇宇一切規模稟承

指示凡崇卑之制象色之宜無不斟酌盡善仰見

聖心昭格之虔至周至悉云日下舊聞
考五十七順治元年七月癸巳

世祖章皇帝以定鼎燕京遣官告祭

上帝十月乙卯朔

親祀京師

南郊告祭

天

地

即皇帝位祝曰大清國皇帝臣口口敢昭告於

皇天

后土

帝鑒無私眷隆有德我

皇祖寵膺

天命肇造東土建立丕基及我

皇考開國承家恢宏大業臣以眇躬繼承鴻緒值明祚將終姦雄

蠶起以致生靈塗炭後望東蘇臣欽承

祖宗功法倚任親賢爰整六師救民水火掃除暴虐撫輯黎元內

外同心大勳克集因茲定鼎燕京以綏中國臣工眾庶僉云

神助不可違輿情不可負宜登大位表正萬邦臣祇荷

天眷以順民情於本年十月初一日告

天即位仍用大清國號順治紀元率由初制伏維

地佑助早靖禍亂載戢干戈九州悉平登進仁壽俾我大清皇圖

永固為此祈禱伏惟

歆饗謹告

會典事例五百三十六歲以冬至日大

祀

天於

圜丘奉

列聖神位配饗

日

月

星辰

雲雨風雷從祀均設青幄

禮部則例一百八

每歲以正月立春後上辛行

祈穀禮祀

皇天上帝於

祈年殿奉

列聖神位配饗不設

從位

禮部則例一百九

凡歲以孟夏擇吉行

常雩禮祀

皇天上帝於

圜丘

會典事例三百四十五

地壇在安定門外北郊形方象地方折四十九丈四尺四寸深八尺六寸濶六尺澤中貯水方丘北嚮二成上成方六丈下成方十

丈六尺均高六尺上成正中六六方螿外八方均以八八積成縱

橫各二十四路二成倍上成八方八八之數半徑各八路以合八

六陰數皆登以黃色琉璃每成四出陛各八級皆白石二成上南

左右設五嶽五鎮

五陵山石座鑿山形北左右設四海四瀆石座鑿水形均東西嚮

水形座下鑿池貯水以祭內壇方二十七丈二尺高六尺厚二尺

壇北三門六柱東西南各一門二柱柱及楣闕皆白石扉皆朱楹

壇北門外東北鐙杆一西北瘞坎一燎鑪五外壇方四十二丈高

八尺厚二尺四寸門制與內壇位同東西門內從壇瘞坎南北各

二壇南門外

皇祇室五間北嚮覆黃琉璃圍垣正方四十四丈八尺高丈一尺

北嚮設一門外壇西門外

神庫

神厨祭器庫樂器庫各五間并亭二又西為宰牲亭亭前并亭左右各一西北為

齋宮東嚮正殿七間崇基石闌五出陛左右配殿各七間內宮門三間左右門各一外宮牆周百有十丈二尺門三東嚮門東北鐘樓一壇內垣周五百四十九丈四尺西北各三門東南各一門外垣周七百六十五丈西嚮門三角門一會典七十一

方丘舊地為明嘉靖九年定

本朝因之屢加寬廣規模制度益昭隆備舊聞考一百七歲以夏至日大

祀地於

方澤奉

列聖神位配饗

五嶽

五鎮

四海

四瀆

五陵山從祭均設黃幄

禮部則例一百一十一

堂子在長安左門外玉河橋東凡

國家有征討大事必

親祭告

舊聞考四十八

每歲十二月二十六日內務府官詣

坤甯宮詣

神送往

堂子元旦

皇帝親詣行禮正月初二日詣

神回宮四月初八日浴佛遣贊祀行禮請

神送

神均內務府官司其事禮部則例歲以季春季秋月朔或二四八

旬詠立杆於

圖殿南正中石座由

大內恭請

神位安奉於

祭神殿內

皇帝親詣行禮致祭或遣贊祀行禮內務府請

旨遵行禮部

太廟在

闕左南嚮圍垣一重琉璃磚門三間左右門各一

戟門五間崇基石闌中三間前後均三出陛中九級左右七級門

內外列戟百有二十左右門各三間前後均一出陛各五級前殿

十有一間重檐階三成繞以石闌五出陛一成均四級二成均五

級三成中十有一級左右九級東西廡各十有五間燎鑪二

中殿九間

後殿九間兩廡各十間

後殿東廡南燎鑪一

戟門外石橋五橋北井亭二六角閑以朱櫺橋南

神庫五間西嚮

神厨五間東嚮

廟門外之西南奉祀署三間東嚮左右房各三間垣一重門一北

嚮東南宰牲亭三間前治牲房五間均西嚮垣一重門一西嚮井

亭一六角閑以朱櫺西南爲

太廟街門五間西北爲

太廟右門三間均西嚮會典事例六百六十三饗

太廟之禮

後殿四室奉安

列祖

列后神位

中殿七室奉安

列聖

列后神位兩廡以功王功臣配嚮每歲孟春上旬諏吉夏秋冬孟

月朔日奉

中殿

列聖

列后神位於

前殿

寶座行時饗禮

後殿遣官同日將事歲除前一日奉

後殿

列祖

列后

中殿

列聖

列后神位奉安

前殿

寶座行大禘禮祭前一日遣官詣

後殿

中殿以大禘祇告均如儀禮部則例百十三每歲元旦

皇太后聖節

萬壽聖節皆致祭

太廟後殿同謹按

本朝

陵寢在遵化州昌瑞山者

世祖章皇帝曰

孝陵

孝康章皇后祔焉

孝惠章皇后曰

孝東陵

聖祖仁皇帝曰

景陵

孝誠仁皇后

孝昭仁皇后

孝懿仁皇后

孝恭仁皇后祔焉

高宗純皇帝曰

裕陵

孝賢純皇后

孝儀純皇后祔焉

文宗顯皇帝曰

定陵

孝德顯皇后祔焉

孝貞顯皇后曰

定東陵

穆宗毅皇帝曰

惠陵

孝哲毅皇后祔焉統名曰

東陵在易州永甯山者

世宗憲皇帝曰

泰陵

孝敬憲皇后祔焉

孝聖憲皇后曰

泰東陵

仁宗睿皇帝曰

昌陵

孝淑睿皇后祔焉

宣宗成皇帝曰

慕陵

孝穆成皇后

孝慎成皇后

孝全成皇后祔焉

孝靜成皇后曰

慕東陵統名曰西陵

禮部
冊

奉先殿在

肅誠門內南嚮國朝順治十四年

世祖章皇帝以

太廟時享孝思未申命稽往制建立

奉先殿

前殿七楹

後殿如之舊間攷祭

奉先殿之禮恭安

列聖

列后神牌於

後殿恭遇

皇太后萬壽聖節

萬壽聖節元旦冬至月朔望及國有大慶恭奉

神牌於前殿行大饗禮薦熟不以牲俎不飲福受胙王公百官不

陪祀如遇

冊立

冊封

御經筵

耕藉謁

陵

巡狩

回鑾諸慶典則詣

後殿祇告

列聖聖誕

列聖

列后忌辰元宵清明霜降歲除等日立春端陽重陽等節暨孟夏
八日亦於

後殿將事每月薦新正月薦鯉魚青韭鴨卵二月薦萵苣菜小葱
芹菜菠菜花鱖魚二月薦黃瓜萹蒿菜薑菜茼蒿水蘿蔔四月
薦櫻桃茄子雛雞五月薦杏李蕨菜香瓜子鶯桃桑椹六月薦杜
梨西瓜葡萄蘋果七月薦梨蓮子菱榛仁藕野雞八月薦山藥栗
實野鴨九月薦柿雁十月薦松仁軟棗蘑菇木耳十一月薦銀魚
鹿肉十二月薦蓼芽綠豆芽兔鱧鯉其豌豆大麥文官果等一應
鮮品及奉

旨特薦鮮品皆隨時隨獻

禮部則例
一百十四

社稷壇在

闕右北嚮壇制方二成高四尺上成方五丈二成方二丈三尺四

出陛皆白石各四級上成築五色土中黃東青南赤西白北黑土
由涿霸二州房山東安二縣豫辦解部同太常寺等驗用內壇四
面各一門楔闕皆制以石朱扉有櫺門外各石柱二壇色亦各如
其方壇北門內西北瘞坎二北爲

拜殿又北爲戟門各五間戟門內列戟七十有二均覆黃琉璃崇
基三出陛壇外西南

神庫五間

神厨五間井一均東嚮壇垣周百五十三丈四尺內外丹雘覆黃
琉璃北門三間東西南門各一間循垣東北隅東嚮正門一左右
門各一相對

闕右門爲

乘輿躬祭出入之門壇西門外宰牲亭三間東嚮井一垣一重門

一北嚮西南奉祀署東西各三間垣一重門一東嚮東遺官房一間南嚮東南爲

社稷街門五間東北爲

社稷左門三間均東嚮會典事例六百六十三順治元年定每歲以春秋仲

月上戊日祭

太社

太稷

太社以

后土句龍氏配

太稷以

后稷氏配壇中石

社主半埋土中仍設

太社

太稷

句龍氏

后稷氏神牌祭於

壇上每祭壇上敷五色土中黃東青南赤西白北黑隨方築之設

樂舞於壇門內壇下兩旁壇壇官各二人執長竿於壇東西以禦

飛禽又備龕於壇下如遇風雨卽以覆護

神牌又定

社稷壇爲大祀

會典事例三百四十五

日壇在朝陽門外東郊制方西嚮一成方五丈高五尺九寸面甃金磚四出陞皆白石各九級圓壇周七十六丈五尺高八尺一寸厚二尺三寸壇正西三門六柱東南北各一門二柱柱及楣闕皆

白石扉皆朱櫺墻西門外燎鑪一瘞坎一西北鐘樓一墻北門外東爲

神庫

神厨各三間宰牲亭并亭各一北爲祭器庫樂器庫櫺薦庫各三間西北爲

具服殿正殿三間南嚮左右配殿各三間衛以宮牆宮門三南嚮

壇垣周二百九十五丈五尺西北各一門皆三間北門西角門一覆瓦

均綠色琉璃會典七十一東郊

日壇之制自乾隆七年奉

諭移建

具服殿嗣於二十年復奉

旨增葺

壇宇規模煥赫斟酌咸宜於大采祀儀爲尤稱云會典事例三百五十九每歲

春分卯時致祭順治八年定禮部則例一百九凡遇甲丙戊庚壬年親

詣行禮餘年遣官行禮會典事例三百五十

月壇在阜成門外西郊制方東嚮一成方四丈高四尺六寸面贛

金磚四出陛皆白石各六級方墻周九十四丈七尺高八尺厚二

尺二寸墻正東三門六柱西南北各一門二柱柱及楣闕皆白石

扉皆朱櫺墻東門北門外燎鑪各一瘞坎一東北鐘樓一墻南門

外西爲

神庫

神厨各三間宰牲亭并亭各一南爲祭器庫樂器庫各三間東北

爲

具服殿正殿三間南嚮左右配殿各三間衛以宮牆宮門三南嚮

壇垣周二百三十五丈九尺五寸東北各門一皆三門北門東角門一覆瓦皆綠色琉璃會典七十一每歲秋分酉時致祭

北斗七星

木火土金水五星

二十八宿

周天星辰配順治八年定禮部則例百十七

凡遇丑辰未戌年

親詣行禮餘年遣官行禮會典事例三百五十一

先農壇在正陽門外西南制方南嚮一成方四丈七尺高四尺五寸四出陛各八級東南為瘞坎壇北為殿五間以藏八六七面

神牌東

神庫西

神厨各五間左右井亭各一東南為

觀耕臺方廣五丈高五尺面甃金磚四圍黃綠琉璃南東西三出陛各八級繞以白石闌柱前為

耕田後為

具服殿五間南嚮三出陛南九級東西各七級東北為

神倉中廩制圓前為收穀亭左右倉十有二間後為祭器庫繚以

周垣南門一會典七十一壇內垣東門外北為

慶成宮南嚮正殿五間崇基石闌前左右三出陛各九級後殿五間左右配殿各三間正殿前辰牌石亭一內宮牆南三門東西掖門各一外宮牆南中三門左右各一門東南鐘樓一壇外垣周千三百六十八丈東嚮門二南北並列南入先農壇北入

太歲殿皆三門角門一會典七十一

舊聞考乾隆二十年會典御筆將先農壇齋宮改

為慶壇在成宮

太歲壇西南明嘉靖年建

本朝因之乾隆十九年重修

大清一統志

每歲春三月吉亥日祭

先農壇行

耕藉禮

禮部則例百十八

先蠶壇在西苑之東北制方南嚮一成徑四丈高四尺四出陛各

十級西北為瘞坎壇東南

先蠶神殿三間西嚮朱扉覆以綠琉璃崇基三出陛左有宰牲亭

一井亭一北為

神庫南為

神厨各三間壇東為

采桑臺方廣三丈二尺高四尺臺面簷以金磚圍以白石南東西

三出陛各十級繞以朱闌前為桑園後為

具服殿五間南嚮三出陛各五級東西配殿各三間後殿五間東

西配殿各三間四周迴廊二十間均覆以綠琉璃宮牆自殿南東

西轉各北抵外垣東南西各一門浴蠶河在宮牆東自外圍北垣

流入由南垣出垣下各設牖啟閉木橋二橋東蠶署三間蠶室二

十七間連檐通脊均西嚮壇垣周百六十丈西南隅正門三左右

門各一西北隅角門一壇垣南室二重各五間均西嚮

會典七十一

建於乾隆七年我

朝自

聖祖仁皇帝設蠶舍於

豐澤園之左

世祖憲皇帝復建先蠶祠於北郊嗣以北郊無浴蠶所因議建於

此舊聞考二十八每歲欽天監選擇季春吉日祭西陵氏於

先蠶壇禮部則例百十九

神祇壇在

先農壇內垣外之東南正南三門繚以重垣東為天神壇制方南嚮一成方五丈高四尺五寸五分四出陞各九級壇北設青白石龕四鑊以雲形各高九尺二寸五分祀

雲雨風雷之神壇方二十四丈高五尺五寸壇正南三門六柱東西北各一門二柱柱及楣闕皆白石扉皆朱櫺西為

地祇壇制方北嚮一成廣十丈縱六丈高四尺四出陞各六級壇南設青白石龕五內鑊山形者三祭

五嶽五鎮五山之祇鑊水形者二龕下四圍鑿池祭則貯水祭

四海四瀆之祇各高八尺二寸壇東從位石龕山水形各一祭京畿名山大川之祇西從位石龕山水形各一祭

天下名山大川之祇各高七尺六寸壇方二十四丈高五尺五寸壇正北三門六柱東西南各一門二柱柱及楣闕皆白石扉皆朱

櫺會典七十一

天神

地祇

太歲壇位俱在

先農壇內祈雨則

遣官祭告雨足則報祀舊聞考五十五

太歲壇在

先農壇之東北

正殿七間南嚮三出陛各六級東西廡各十有一間前爲拜殿七間拜殿東南燎鑪一壇內垣南北東西各三間會典七十一

正殿祀

太歲東廡爲春秋月將西廡爲夏冬月將會典事例三百五十七嘉靖八年

建

本朝因之乾隆十九年重修每年於正月上旬吉日及十二月杪

恭祀

太廟日致祭

太歲月將之神

大清一統志

前代壇廟考

金郊壇

南郊壇在豐宜門外當闕之己地圓壇三成成十二陛各按辰

位墻牆三市四門各三門齋宮東北厨庫在南壇墻皆以赤土
坊之北郊方丘在通元門外當闕之亥地方壇三成成爲子午
卯酉四正陛方壇三周四面亦三門朝日壇曰大明在施仁門
外之東南當闕之卯地門壇之制皆同方北夕月壇曰夜明在
彰義門外之西北當闕之酉地掘地汚之爲壇其中常以冬至
日合祀昊天上帝皇地祇於圜丘夏至日祭皇地祇於方丘春
分朝日於東郊秋分夕月於西郊金史禮志拜郊臺在府西南七里
金大定間拜天於此明一統志考朱彝尊於豐台舊聞按云拜郊臺今無
亦係約畧言之初無確證也

金太廟

貞元初海陵遷燕乃增廣舊廟奉遷祖宗神主於新都建巨闕於內城之南千步廊三年十一月奉安於太廟大定十一年十

一月郊祀前一日享太廟金禮志

金社稷壇

貞元元年閏十二月有司奏建社稷壇於燕京大定七年七月又奏建壇於中都社爲制其外四周爲垣南嚮開一神門門三間內又四周爲垣東西南北各開一神門門三間各列二十四戟四隅連飾梁楹無屋於中稍南爲壇位令三方廣濶一級四陛以五色土各飾其方中央覆以黃土其廣五丈高五尺其主用白石下廣二尺剡其上形如鐘埋其半壇南栽粟以表之近西爲稷壇如社壇之制而無石主四墼門各五間兩塾三間門列十二戟墼有角樓樓之面皆隨方色飾之饌幔四楹在北墼門西北嚮神厨在西墼門外南嚮廡在南圍牆內東西嚮有望祭堂三楹在其北雨則於是堂望拜堂之南北各爲屋二楹三

獻及司徒致齋幕次也堂下南北相嚮有齋舍二十楹外門止

一間不施鴟尾金禮志

金風雨雷師壇

明昌五年禮官言風雨雷師其禮尙闕宜詔有司講定儀注以聞尙書省奏天地日月或親祀或令有司攝事若風雨雷師乃中祀合令有司攝之且又州縣之所通祀者也合先舉行制可乃爲壇於景豐門外東南闕之異地歲以立春後丑日以祀風師牲幣進熟如中祀儀又爲壇於端禮門外西南闕之坤地以立夏後申日以祀雨師其儀如中祀金禮志

元郊壇

至元三十一年成宗卽位四月壬寅始爲壇於都城南七里元祭

祀志按舊聞考云其地當在今永定門外

大德九年七月辛亥築郊壇於麗正

文明門之南丙位元成宗本紀壇壇地在麗正門外丙位凡三百

八畝有奇壇三成每成高八尺一寸上成縱橫五丈中成十丈下成十五丈四陛午貫地子午卯酉四位陛十有二級外設二壇內壇去壇二十五步外壇去內壇五十四步壇各四門外壇南樞星門三東西樞星門各一園壇周圍上下俱護以甃內外壇各高五尺壇四面各有門三俱塗以赤至大三年冬至以三成不足以容從祀版位以青繩代一成繩二百各長二十五尺以足四成之制燎壇在外壇內丙己之位高一丈二尺四方各一丈周圍亦護以甃東西南三出陛開上南出陛上方六尺深可容柴香殿三間在外壇南門之外少西南嚮饌幕殿五間在外壇南門之外少東南嚮省饌殿一間在外壇東門之外少北南嚮外壇之東南為別院內神厨五間南嚮祠祭局三間北嚮

酒庫三間西嚮獻官齋房二十間在神厨南垣之外西嚮外壇南門之外為中神門五間執事齋房六十間以翼之皆北嚮兩翼端皆有垣以抵東西周垣各為門以便出入齊班廳五間在獻官齋房之前西嚮嚮儀局三間法物庫三間都監庫五間在外壇內之西北隅皆西嚮雅樂庫六間在外壇西門之內少南東嚮演樂堂七間在外壇內之西南隅東嚮獻厨三間在外壇內之東南隅西嚮滌養犧牲所在外壇南門之外少東西嚮內犧牲所三間南嚮元祭祀志

元太廟

世祖至元十四年詔建太廟於大都元祭祀志廟在都城齊化門之北舊聞考元時太廟門外馳道抵齊化門之通衢十六年八月以江南所獲玉爵及坩四十九事納於太廟元祭祀志十七年十二月甲午大都重建太廟成

元世 至大二年春正月以受尊號謝太廟為親祀之始元武宗本紀

廟制前廟後寢正殿東西七間南北五間內分七室殿陛二成三階中曰太階西曰西階東曰阼階寢殿東西五間南北三間環以宮城四隅重屋號角樓正南正東正西宮門三門各五門皆號神門殿下道直東西神門曰橫街直南門曰通街甃之通街兩傍井二皆覆以亭宮城外繚以崇垣饌幕殿七間在宮城南門之東南嚮齊班廳五間在宮城之東南西嚮省饌殿一間在東城東門少北南嚮初獻齋室在宮城之東東垣門內少北西嚮其南為亞終獻司徒大禮使助奠七祀獻官等齋室皆西嚮雅樂庫在宮城西南東嚮法物庫儀鸞庫在宮城之東北皆南嚮都監局在其東少南西嚮東垣之內環築牆垣為別院內神厨局五間在北南嚮并在神厨之東北有酒亭庫三間

在井亭南西嚮祠祭局三間對神厨局北嚮院門西嚮百官厨五間在神厨院南西嚮宮城之南復為門與中神門相值左右連屋六十餘間東掩齊班廳西值雅樂庫為諸執事齋房築崇垣以環其外東西南開櫺星門三南門外馳道抵齊化門之通衢至治元年詔議增廣廟制三年別建大殿一十五間於今廟前用今廟為寢殿中三間通為一室餘十間各為一室東西兩旁際牆各留一間以為夾室室皆東西橫濶二丈南北入深六間每間二丈宮城南展後鑿新井二於殿南作亭東南隅西南隅角樓南神門東西神門饌幕殿省饌殿獻官百執事齋室中南門齊班廳雅樂庫神厨祠祭等局皆南徙建大次殿三間於宮城之西北東西櫺星門亦南徙東西櫺星門之內鹵簿房四所通五十間元祭祀志

元社稷壇

至元七年十二月有詔歲祀太社太稷三十年正月始用御史中丞崔彥言於義和門內少南得地四十畝爲壇垣近南爲二壇壇高五尺方廣十之社東稷西相去約五丈社稷土用青赤白黑四色依方位築之中間實以常土上以黃土覆之築必堅實依方面以五色泥飾之四面當中各設一陛道其廣一丈亦各依方色稷壇一如社壇之制惟土不用五色其上四周純用一色黃土壇皆北嚮立北墉於社稷之北以磚爲之飾以黃泥瘞坎二於稷壇之北少西深足容物二壇周圍墼垣以磚爲之高五尺廣三十丈四隅連飾內墼垣櫺星門四所外垣櫺星門二所每所門二列戟二十有四外墼內北垣下屋七間南望二壇以備風雨曰望祀堂堂東屋五間連厦三間曰齊班廳廳之

南西嚮屋八間曰獻官幕又南西嚮屋三間曰院官齋所又其南屋十間自北而南曰祠祭局曰儀鑾庫曰法物庫曰都監庫曰雅樂庫又其南北嚮屋三間曰百官廚外垣南門西墼垣西南北嚮屋三間曰大樂署其西東嚮屋三間曰樂工房又其北北嚮屋一間曰饌幕殿又北南嚮屋三間曰饌幕又北稍東南嚮門一間院內南嚮屋三間曰神廚東西屋三間曰酒庫近北少卻東嚮屋三間曰犧牲房并有亭望祀堂後自西而東南嚮屋九間曰監祭執事房此壇墼次舍之所也社主用白石長五尺廣二尺刻其上如鐘於社壇近南北嚮埋其半於土中稷不用主后土氏配社后稷氏配稷神位版二用栗素質黑書社樹以松於社稷二壇之南各一株此作主樹木之法也

元祭祀志

元先農壇

先農之祀始自至元九年二月命祭先農如祭社之儀十四年
二月戊辰祀先農東郊十五年二月戊午祀先農以蒙古胄子
代耕藉田二十一年二月丁亥又命翰林學士承旨色埒默祀
先農於藉田武宗至大三年夏四月從大司農請建農蠶二壇
博士議二壇之式與社稷同縱廣一十步高五尺四出陞外壇
相去二十五步每方有櫺星門令先農先蠶壇壇在藉田之內
若立外壇恐妨千畝其外壇勿築是歲祀先農如社稷

元禮志

明郊壇

天壇在正陽門之左永樂十八年建繚以垣牆周迴九里十三
步初遵洪武合祀天地之制稱爲天地壇後既分祀乃專稱天
壇

春明夢餘錄

圓丘第壇濶七丈高八尺一寸四出陞正南陞濶

九尺五寸九級東西北面陞俱濶八尺一寸九級壇面及壇腳

用琉璃闌干第二層壇面周圍俱濶二丈五尺高八尺一寸正
南陞一丈二尺五寸九級東西北面陞俱一丈一尺九寸五分
九級壇面及壇腳用琉璃磚砌四面用琉璃闌干壇去壇一十
五丈高八尺一寸用磚砌正南櫺星門三座中門濶一丈二尺
五寸左門濶一丈一尺五寸五分右門東邊櫺星門濶九尺五
寸北面西面尺寸同燎鑪一座在壇外東南丙地高九尺濶七
尺上開南出戶壇腳東西南三面設陞周圍外牆去壇一十五
丈正南櫺星門三座中門濶一丈九尺五寸門外正甬道濶丈
尺同左門濶一丈二尺五寸門外左甬道丈尺同右門濶一丈
一尺九寸五分門外右甬道丈尺同東西北櫺星門濶一丈一
尺九寸五分甬道丈尺同

存心錄

圓丘外圍方牆門四南曰昭

亨東曰泰元西曰廣利北曰成貞內櫺星門南門外東南砌繚

磁燎鑪旁毛血池西南望鐙臺長竿懸大鐙外櫺星門南門外
左設具服臺東門外建神庫神廚祭器庫宰牲亭北門外正北
建泰神殿後改爲皇穹宇藏上帝太祖之神版翼以兩廡藏從
祀之神版又西爲鑾駕庫又西爲犧牲所北爲神樂觀成貞門
外爲齋宮迤西爲壇門春明夢餘錄嘉靖十三年二月奉旨圍丘
方澤今後稱天壇地壇明嘉靖祀典

明地壇

嘉靖九年五月作方丘於北郊明典彙方澤壇在安定門之北
繚以垣牆爲制二成一成面方六丈高六尺二成面方十丈六
尺高六尺輒用六八陰數黃色琉璃青白色石砌四出陛各八
級周圍水渠一道長四十九丈四尺四寸深八尺六寸濶六尺
內墻方牆二十七尺高六尺厚二尺內櫺星門四北門外西爲

瘞位瘞祝帛配位帛則燎之東爲鐙臺南門爲皇祇室藏神版
而太祖版則以祭之前一日請諸廟外櫺星門四西門外迤西
爲神庫神廚宰牲亭祭器庫北門外西北爲齋宮又建四天門
西門外爲鑾駕庫遣官房南爲陪祀官房又外爲壇門又外爲
泰折街牌坊護壇地一千四百七十六畝春明夢餘錄

明太廟

太廟在闕之左永樂十八年建前正殿翼以兩廡後寢殿九間
間一室主皆南面几席諸器備嘉靖十一年中允廖道南請建
九廟上從其議撤故廟祖宗各建專廟合爲都宮因舊廟新之
太祖居中文皇世廟在太祖東北居六廟上昭穆六廟列太廟
左右廟各有殿殿後有寢藏主太廟寢後別有祧寢藏祧主太
廟門殿皆南嚮羣廟門東西嚮內寢殿皆南嚮十五年十二月

九廟成二十年四月雷火八廟災惟睿廟存因重建太廟復同
堂異室之制二十四年七月新廟成正殿九間內貯諸帝后冕
旒冠帶櫃而藏之祭則陳設東西側間設功臣親王位前為兩
廡東西二燎鑑東燎列聖親王祝帛西燎功臣帛南為戟門門
之左為神庫右為神府又南為廟門門外東南為宰牲亭南為
神宮鑿西為廟街門正殿後為寢殿九間奉安列聖神主皆南
嚮又為祧廟五間藏祧主皆南嚮時享於四孟祫於歲餘春明錄

明奉先殿

奉先殿在神霄門之東殿九室如廟寢制國有太廟以象外朝
有奉先殿以象內朝每室一帝一后如太廟寢殿其祔祧迭遷
之禮亦如之凡祀方正朝日夕月册封告祭及忌辰在焉餘皆

太廟行之永樂三十五年始作春明夢餘錄

明社稷壇

社稷壇在闕之右與太廟對壇制二成四面石階各三級上成
用五色土隨方築之壇西砌瘞位四面開櫺星門西門外西南
建神庫庫南為神廚北門外為拜殿外天門四座西門外為宰

牲亭春明夢餘錄

明日壇

朝日壇在朝陽門外繚以垣牆嘉靖九年建春明夢餘錄嘉
年禮臣率欽天監正夏祫等會看得朝陽門外三里迤北錦衣
衛指揮蕭諤地東西闊八十一丈南北進深八十一丈堪建朝
日壇西嚮為制一成以春分之日祭大明之神壇方廣五丈高
五尺九寸壇面用紅琉璃階九級俱白石櫺星門西門外為燎
鑑瘞池西南為具服殿東北為神庫神廚宰牲亭鐙庫鐘樓北

爲遣官房外爲天門二座北天門外爲禮神坊西天門外迤南
爲陪祀齋宿房五十四間護壇地一百畝

春明夢餘錄

明月壇

夕月壇在阜成門外繚以垣牆嘉靖九年建東嚮爲制一成祭
用牲玉獻舞如朝日儀惟樂六奏從祀二十八宿木火土金水
五星周天星辰壇方廣四丈高四尺六寸面白琉璃階六級俱
白石內樞星門四東門外爲瘞池東北爲具服殿南門外爲神
庫西南爲宰牲亭神廚祭器庫北門外爲鐘樓遣官房外天門
二座東天門外北爲禮神坊護壇地三十六畝祭之日以寅祭
之時以西

春明夢餘錄

明先農壇

先農壇在山川壇內太歲壇傍之西南永樂中建爲制一成石

包磚砌方廣四丈七尺高四尺五寸四出陛西爲瘞位東爲齋
宮鑾駕庫東北爲神倉東南爲具服殿殿前爲觀耕臺臺用木
方五丈高五尺南東西三出陛臺南爲耕田護壇地六百畝供
黍稷及薦新品物又地九十四畝有奇每年額稅太常寺會同
禮部收貯神倉以備早潦嘉靖中建圓廩方倉以貯粳盛上耕
藉田親祭餘年順天府尹祭

春明夢餘錄明禮志嘉靖中建先農壇高五尺廣五丈與春明夢

餘錄

明先蠶壇

親蠶殿在萬壽宮西南有齋宮具服殿蠶室繭館皆如古制
金鰲退食筆記嘉靖九年勅禮部曰耕桑重事古者帝親耕后親桑以
勸天下自今歲始朕親耕皇后親蠶其具儀以聞於是大學士
張璁等請於安定門外建先蠶準先農壇制旁設採桑壇做藉

田制其別殿如南郊齋制少減其數卽齋傍起蠶房爲浴蠶所
皇后採桑三條後三宮夫人採五條列侯九卿夫人採九條仍
擇民婦受桑浴蠶於內以終事詔如議行詹事府詹事霍韜言
皇后出難越宿且郊外別建蠶室則宮嬪命婦未見蠶事勢難
久行乞擇近地便戶部亦言安定門外水源不通無浴蠶所初
禮部議於皇城內西苑中有太液瓊島之水且唐制在苑中宋
亦於宮中從禮部議便上命築親蠶壇於安定門外十年三月
改築壇於西苑仁壽宮側壇高二尺六寸四出陛廣六尺四寸
東爲採桑壇方一丈四尺高二尺四寸三出陛鋪登如壇制臺
之左右樹以桑東爲具服殿殿北爲蠶室又爲從室以居蠶婦
設蠶官署於宮左置蠶官令一員丞二員擇內臣謹恪者爲之
十四年皇后親蠶於內苑

明典禮志按舊聞考三十六云明時先蠶壇在西苑仁壽宮側已廢

明神祇壇

嘉靖十一年卽山川壇爲天神地祇二壇以仲秋中旬致祭別
建太歲壇專祀太歲東廡爲春秋月將西廡爲夏冬月將各二
壇前爲拜殿宰牲亭南爲川井卽山川壇舊井有龍蟄其中壇
西南有先農壇東旗纛廟壇南耜田在焉十年定太歲月將祭
期歲於孟春享廟歲暮禘祭之日遣官行禮隆慶元年禮官議
天神地祇旣從祀南北郊仲秋不宜復有神祇壇之祭罷之而
太歲之祭如故

春明夢餘錄

天神壇方廣五丈高四尺五寸五分

四出陛各九級壇牆方二十四丈高五尺五寸厚二尺五寸櫺
星門六正南三東四北各一內設雲形青白石龕四於壇北各
高九尺二寸五分地祇壇面濶十丈進深六丈高四尺四出陛
各六級壇牆方二十四丈高五尺五寸厚二尺四寸櫺星門亦

如神壇內設青白石龕山形三水形二於壇北各高八尺二寸
左從位山水形各一於壇東右從位山水形各一於壇西各高
七尺六寸同上

明太歲壇

太歲壇在山川壇內中為太歲壇東西兩廡南為拜殿殿之東
南砌燎鑪殿之西為神庫神廚宰牲亭亭南為川井外四天門
東門外為齋宮鑾駕庫外為東天門春明夢餘錄明嘉靖祀
典禮臣上言太歲之神自
唐宋以來祀典不載惟元有大興作祭於太史院亦無常祭國
朝始有定祀是以壇宇之制於古無稽按說文太歲木星也一
歲行一次應十二辰而一周天其為天神明矣亦宜設壇露祭
但壇制無考應照社稷壇築造高廣尺寸差為減殺庶於壇適
宜訂

華陽吳祖椿校

京師志六

光緒順天府志六

祠祀

候官陳翥纂江陰繆荃孫覆輯

傳日事神以為民也

清受

天命撫有方夏凡夫

郊

丘

宗

廟

社

稷諸大祀既有常所矣用推其典以懷柔百神諸有功德於民及
捍災禦患以死勤事者咸崇飾廟貌以揭虔妥靈而一切神君竈

鬼諸布嚴逐之倫不得與焉非古者為民之義與星羅雲屬翊衛
皇居嶽鬼瀆祇趨走

帝室儼如也翼如也祀於洛邑咸秩無文周之盛也我

國家其邁之哉志祠祀

歷代帝王廟在阜成門內大街南向廟門三間左右門各一前石

梁三內

景德門五間崇基石闌前後三出陞中十有一級左右各九級左

右各一門

景德崇聖殿九間重檐崇基石闌南三出陞中十有三級左右各

十有一級東西一出陞各十有二級兩廡各七間燎鑪各一殿東

御碑亭一後祭器庫五間均南向景德門外東為

神庫 神廚各三間宰牲亭井亭各一西為承祭官致齋所東南

鐘樓一圍垣周百八十六丈三尺八寸廟門外東西下馬牌各一

凡正殿門廡均覆綠琉璃門楹塗丹梁棟五采

大清會典七十五
事例三百五
十乾隆十八年奏准 帝王廟正
廟建於明嘉靖十年
撤靈濟宮神改設帝王廟禮部以所在窄隘宜擇地別建於是工
部相度阜成門內保安寺故址舊為官地改置神武後衛地勢整
潔且通蕭端蒙京師新之詔可遣工部侍郎錢如京督工完上親
詣廟以化天下損益舊章適於中道既正二郊造九廟於茲明禮
樂立社稷敦先師懷柔百神咸秩其祀屬以古先帝王之廟舉大
儀竊惟三恪之意闕而未備乃詔於京師立廟歲時報祀如常
永其所祀者至矣自秦而下廢而不講者千年隋始制為常祀各
定鼎金陵緣先王之意采隋唐之制立廟各一於京師皇祖
三王漢唐宋及勝國創業諸主祀焉其歷代名臣自隆無替車駕
下凡三十七人各以其序配食於廟廷有司歲祀有隆無替車駕
北徙坎壇祠廟更造並置悉如南都之故獨帝王廟未有立
頤歲乃命司空度基詹尹誼日經之營之以成茲室蒐百年之遺
典成一朝之偉觀臣竊以為茲舉也四善具焉崇德報功不關不
濫宏教也備物盡文以褒先世廣仁也同堂而食選勞而享茂制

也援墜補廢彌成鉅憲至明也有是四者不有所述其奚以示來世乃再拜爲之辭曰明明天子冠德履仁粹道湧元化流渚創物垂範登三邁五制法興王進退今古惟其有之是以似之奕奕寢廟聿崇祀之有庭其殖有室其翼神其戾止以享以懌介我景福佑我其延子子孫孫勿替歷年

本朝順治二年及康熙六十一年疊奉

欽定增祀雍正二年

世宗憲皇帝親詣行禮七年重修舊聞考

御製碑文 歷代帝王崇祀之制肇於唐天寶七載始置廟京城止及三代以前而已明洪武六年始於金陵立廟嘉靖十年乃建於京師阜成門內當明初定制時議禮之臣不能通知大體崇祀祇創業之君從祀惟開國之臣自茲以後闕焉我

皇考聖祖仁皇帝秉大公之道折衷百代深惟祀典之宜修康熙六十一年

特頒諭旨命廷臣詳悉從容確議具奏逮朕紹緒之初延議始上舊崇祀帝王二十一位今增一百四十三位舊從祀功臣三十九人今增四十人朕遵奉

先志重書牌位詎吉入廟行祭告之禮仰惟聖祖仁皇帝用意之厚立論之正莫乎不可及也夫三代以上若夏啟之能敬承殷之太甲太戊武丁周之成王康王宣王頌美詩書光耀史牒三代以下英君哲后或繼世而生則德教累洽或間世而出則謨烈重光胥能致海宇之乂安躋斯民於康阜嘉言傳於信史善政式爲良規至凡蒙業守成之主卽或運會各殊屯亨不一苟無聞於失德咸

帝命所寵綏爰及歷代名臣亦皆川嶽鍾靈爲時輔佐功在社稷德協股肱比諸從龍之彥何多讓焉而尙論未詳明禋久曠其爲

缺略也大矣夫欽崇往哲景企前徽明德可懷羹牆興慕瞻流風之所被洵厯世而勿諼若乃擴追遠之鴻規破拘墟之臆見自非忠厚立心寬仁爲量卓識超於千古盛德冠於百王未有能論及此者典禮修明有待今日然則

聖祖皇帝之重加釐定公當周詳誠千萬世莫及之仁心而千萬世不易之定論也廟貌旣新敘述本末鐫於青珉用昭示久遠焉乾隆二十九年又修易蓋正殿黃瓦

高宗純皇帝親詣行禮

舊聞考

御製碑文 歷代帝王之祀其準古遷廟觀德遺意而推而放之者歟書曰七世之廟可以觀德疏家以爲世祧者迭遷德盛者弗毀蓋就一朝爲言而周禮鄭氏四類注稱三王五帝九皇六十四氏咸祀之繁露引爲自近邈遠之明證斯正合食所權輿然漢魏

以來有司具儀率求之肇迹建都而不聞立廟洎唐迄明廟立而代以專祀開創爲常其制又缺焉未備我

皇祖聖祖仁皇帝康熙六十一年

敕諭禮官增祀苟非失德失器卽蒙業守成者皆得與饗我

皇考世宗憲皇帝丕纘

先型詳定位次

臨御伊始

親詣視成著於

奎文者綦悉間考舊史所記勦守難易之辨尠有折衷定論以是對揚曩昔所爲法施於民者不克兼旣其實獨斤斤於門於坊具顏之日景德景德焉爾德故若是其偏而不舉耶惟

祖

宗懋敬厥德咸秩孔修觀法之所存卽知戒之所寓義至深遠大雅不云乎天難忱斯不易維王召公奭迪王祈天永命一則曰監于有夏再則曰監于有殷寢假入廟而徵統系由百世之後等百世之王以自昭代概之皆名之爲勝國有不深厘夫屋與墟之傲而怵惕動容者哉顧於其間歷選列辟若稽古之化浹烝人治光往牒者罔不穆穆棣棣式在几筵崇異代同堂之報故於世數之遷而得其示戒於無形抑於世數之屢遷而不遷而得其垂法於有永稔乎此者觀德之意愈以畢然而興矣廟自雍正癸丑繕葺距今且三十載爰以乾隆壬午出內帑金庀而飾之故事瓴甃甃以純綠茲特易蓋正殿黃瓦用昭曷奕工告訖功適屆甲申季春吉祀祇承

諸碑復詳闡之如此

景德崇聖殿中一龕供

太昊伏羲氏

炎帝神農氏

黃帝軒轅氏位左一龕供

少昊金天氏

顓頊高陽氏

帝嚳高辛氏

帝堯陶唐氏

帝舜有虞氏位右一龕供

夏王禹啟仲康少康杼槐芒泄不降扃厘孔甲皋發

商王湯太甲沃丁太庚小甲雍己太戊仲丁外壬河亶甲祖乙祖

辛沃甲禛丁南庚陽甲盤庚小辛小乙武丁祖庚祖甲廩辛庚丁
太丁帝乙位左二龕供

周武王成王康王昭王穆王共王懿王孝王夷王宣王平王桓王
莊王僖王惠王襄王頃王匡王定王簡王靈王景王悼王敬王元
王貞定王考王威烈王安王烈王顯王慎靚王位右二龕供

漢高祖惠帝文帝景帝武帝昭帝宣帝元帝成帝哀帝光武帝明
帝章帝和帝殤帝安帝順帝沖帝昭烈帝

晉元帝明帝成帝康帝穆帝哀帝簡文帝

魏道武帝明元帝太武帝文成帝獻文帝孝文帝宣武帝孝明帝
宋文帝孝武帝明帝

齊武帝

陳文帝宣帝位左三龕供

唐高祖太宗高宗睿宗元宗肅宗代宗德宗順宗憲宗穆宗文宗
武宗宣宗懿宗僖宗

後唐明宗

後周世宗

遼太祖太宗景宗聖宗興宗道宗

宋太祖太宗眞宗仁宗英宗神宗哲宗高宗孝宗光宗甯宗理宗
度宗端宗位右三龕供

金太祖太宗世宗章宗宣宗哀宗

元太祖太宗定宗憲宗世宗成宗武宗仁宗泰定帝文宗甯宗
明太祖惠帝成祖仁宗宣宗英宗景帝憲宗孝宗武宗世宗穆宗

愍帝位均南向歷代配饗名臣東廡風后蒼頡夔伯夷伊尹傅說
召公奭畢公高召穆公虎仲山甫張良曹參周勃魏相鄧禹耿弇

諸葛亮房元齡李靖宋璟郭子儀許遠李晟裴度曹彬李沆王會
富弼文彥博李綱韓世忠文天祥宗翰穆呼哩布呼密徐達常遇
春楊士奇于謙劉大夏位西廡力牧皋陶龍伯益仲虺周公旦太
公望呂侯方叔尹吉甫蕭何陳平劉章丙吉馮異馬援趙雲杜如
晦狄仁傑姚崇張巡李泌陸贄耶律赫魯呂蒙正寇準范仲淹韓
琦司馬光趙鼎岳飛宗望幹魯巴延托克托劉基李文忠楊榮李
賢位

禮部則例

一百二十 乾隆四十九年

諭朕因覽四庫全書內大清通禮一書所列廟祀

歷代帝王位號乃依舊會典所定有所弗愜於心敬憶

皇祖實錄有敕議增祀之諭今查取禮部原議紅本則係康熙六
十一年十一月內具題爾時諸臣不能仰體

聖懷詳細討論未免因陋就簡我

皇祖諭旨以凡帝王曾在位者除無道被弑亡國之主此外盡應

入廟卽一二年者亦應崇祀煌煌

聖訓至大至公上自羲軒下至勝國其間聖作明述之君守文繼

體之主無不馨香妥侑不特書生臆論無能仰喻

高深卽歷代以來升禋議禮未有正大光明若此者也乃會議疏

內聲明偏安亡弑不入祀典而仍入遼金二朝不入東西晉元魏

前後五代未免意有偏向視若仰承

聖意而實顯與

聖諭相背朕意若謂南北朝偏安不入正統則遼金得國亦未奄
有中原何以一登一點適足啟後人之訾議卽因東西晉前後五
代有因篡得國擯而不列如操丕不得爲正統之例殊不知三國
時正統在昭烈故雖以陳壽三國志之尊魏抑蜀而卒不能奪萬

順天府志六
世之公評至司馬氏篡竊以還南朝神器數易如宋武帝崛起丹
徒手移晉祚自不能掩其篡奪之罪其他雖祖宗得國不正而子
孫能繼體承休卽爲守文中主亦不可概從闕略況自漢昭烈以
至唐高祖統一區夏時之相去三百餘年其間英毅之辟節儉之
主史不絕書又安可置而不論至於後五代如朱溫以及郭威或
起自寇竊或身爲叛臣五十餘年更易數姓中華統緒不絕如縷
然周世宗承藉郭氏餘業憑有疆域尙不失爲令主此而概不列
入則東西晉前後五代數百年間創守各主祀典缺如何以協春
秋公論他如元魏雄據河北地廣勢強太武道武勤思政理講學
興農亦可爲偏安英主並當量入祀典以示表章朕前命館臣錄
存楊維禎正統辨論詳晰宣論以維禎所辨正統在宋不在遼金
之說爲是所以存春秋綱目之義見人心天命之攸歸且檢閱孫

承澤春明夢餘錄所載明代崇祀古帝王位號原本列遼金二朝
今通禮內崇祀遼金而不入東西晉前後五代似此互相入主出
奴伊于何底是皆議禮諸臣有懷偏見明使後世臆說之徒謂本
朝於歷代帝王未免區分南北意存軒輊甚失

皇祖降諭之本意也至明之亡國由於神僖二宗紀綱隳而法度
弛愍帝嗣統時國事已不可爲雖十七年身歷勤苦不能補救傾
危卒且身殉社稷未可與荒淫失國者一例而論是以
皇祖睿裁將神僖二宗撤出而愍帝則

特令廟祀

褒貶予奪毫釐不爽實千古大公定論乃諸臣於定議時轉復將
漢之桓靈增入豈未思炎漢之亡亡於桓靈而不亡於獻帝乎從
前定議未將東漢全局詳審論斷轉使昏闇之君濫叨廟食所議

未爲允協夫自古帝王統緒相傳易代以後饗祀廟廷原以報功崇德至於嚴篡竊之防戒守成之主或予或奪要必衷於至當而無所容心於其間方協彰瘝之義所有

歷代帝王廟祀典著大學士九卿更行悉心詳議具奏並著於定議後交四庫館恭錄

皇祖諭旨並朕此旨於通禮廟饗卷首以昭殷鑒歷朝垂示萬年之至意隨遵

旨議增祀晉元帝明帝成帝康帝穆帝哀帝簡文帝宋文帝孝武帝明帝齊武帝陳文帝宣帝元魏道武帝明元帝太武帝文成帝獻文帝孝文帝宣武帝孝明帝唐明宗周世宗共二十三帝又另單議請增祀唐憲宗金哀宗共二帝奉

諭旨大學士九卿等會議增祀兩晉元魏前後五代各帝王一摺

並聲請唐憲宗金哀宗應否一體增祀等語憲宗處唐中葉各鎮節度憑陵跋扈僭叛不臣憲宗命將專征削平淮西厥功頗偉在有唐一代中尙屬英主其末年被弑係禍變猝乘與荒亂失德召變致衅者不同至金哀宗處衰弱之時國勢已不可問推其致敗之由實因海陵淫虐階厲哀宗自縊殉國與明之愍帝事同一例自應一體增祀餘俱著照所議行

禮部則例

禮部冊

每歲春秋仲月擇日致祭

先師廟在安定門內太學左南嚮街門西爲持敬門西嚮大成門崇基石闌前後三出陛門左右列戟二十有四石鼓十右石鼓音訓碣一左右各一門門內東西列舍北嚮

大成殿崇基石闌三出陛兩廡東西嚮殿東西列舍南嚮西廡南燎鑪一西北瘞坎一甬道左右

御碑亭

大成門外東為

神廚宰牲亭并亭各一西為

神庫致齋所更衣亭每科進士題名碑分列左右

會典七十一

元初廟

燬於兵王楫請以金樞密院地創之於是置學南城並立廟世祖

至元二十四年遷都北城以南城國子監為大都路廟學廷議另

建久而未成

國子監志二

大德六年初建十年廟成

元成宗紀

明永樂九年

依舊地重建嘉靖九年改

大成殿為

先師廟

大成門為廟門

明禮志

萬厯二十八年易琉璃瓦

春明夢餘錄

國朝順治八年重修乾隆二年改用黃瓦三十二年重修有

高宗純皇帝御製碑文

舊聞考六十七

御製重修文廟碑記

舉江淮河濟以贊海吾知其不知海舉嵩

岱恆華以贊地吾知其不知地然則舉道德仁義以贊

孔子者其亦類於是乎夫江淮河濟豈不為海所納而不足以形

海之大然海固不拒江淮河濟以為水也嵩岱恆華豈不為地所

載而不足以究地之厚然地固不讓嵩岱恆華以為土也道德仁

義豈不為

孔子所垂而不足以盡

孔子之量然

孔子固不外道德仁義以為教也教之義始見於虞書而未有定

所夏校殷序周庠學則三代共之是國學所昉乎夫三代既有學

亦必有教而吾以為

孔子立道德仁義之教者何蓋三代以前之教非

孔子不明三代以後之教非

孔子不立亦猶江淮河濟非海不納嵩岱恆華非地不載道德仁義非

孔子不垂也國學始於元太祖置

宣聖廟於燕京由元及明代有損益修葺至本朝而崇奉規模為大備

列聖右文臨雍必事輪奐乾隆戊午朕詣學展儀先詔易蓋黃瓦聿昭茂典然丹雘雖致飾壯觀而上棟下宇風雨燥溼歷年既久浸敬是虞爰以歲丁亥發帑二十餘萬特簡重臣司其事越己丑仲春告蒞工朕親釋奠以落成焉先是言臣有以宜乘此時修復辟雍園水之制為請者禮官以為三代之制弗相沿襲實政不必

泥古朕以其言良是遂從之門殿諸額一準會典皆親書各懸於其所舉大工者必泐碑以誌故敘其事書之若夫述

孔子之言仍以頌

孔子是猶繪日月星辰以象

天朕有所不能三十三年改

先師廟為

大成殿門為

大成門國子監志二每歲春秋仲月擇日致祭禮部則例

聖祖仁皇帝御書額曰萬世師表

世宗憲皇帝御書額曰生民未有

高宗純皇帝御書額曰與天地參

仁宗睿皇帝御書額曰聖集大成

宣宗成皇帝御書額曰聖協時中

文宗顯皇帝御書額曰德齊疇載

穆宗毅皇帝御書額曰聖神天縱

今上御書額曰斯文在茲殿中南嚮安設

至聖先師孔子神位東旁西嚮復聖顏子述聖子思子位西旁東嚮宗聖曾子亞聖孟子位次東西嚮先賢閔子損冉子雍端木子賜仲子由卜子商有子若位次西東嚮先賢冉子耕宰子子冉子求言子偃顓孫子師朱子熹位

東廡祀先賢公孫僑林放原憲南宮适商瞿漆雕開司馬耕梁鱣冉孺伯虔冉季漆雕徒父漆雕哆公西赤任不齊公良孺公肩定鄒單罕父黑榮旂左人郢鄭國原亢廉潔叔仲會公西輿如邽巽陳亢琴張步叔乘秦非顏噲顏何縣亶牧皮樂正克萬章周敦頤程顥邵雍先儒公羊高伏勝毛亨孔安國后蒼許慎鄭康成范甯陸贄范仲淹歐陽修司馬光謝良佐羅從彥李綱張栻陸九淵陳淳眞德秀何基文天祥趙復金履祥陳澧方孝孺薛瑄胡居仁羅欽順呂枏劉宗周孫奇逢張履祥陸隴其張伯行

西廡祀先賢蘧瑗澹臺滅明宓不齊公冶長公皙哀高柴樊須商澤巫馬施顏辛曹卹公孫龍秦商顏高壤駟赤石作蜀公夏首后處奚容蒧顏祖句井疆秦祖縣成公孫句茲燕伋樂欬狄黑孔忠公西蒧顏之僕施之常申棖左邱明秦冉公明儀公都子公孫丑張載程頤先儒穀梁赤高堂生董仲舒劉德毛萇杜子春諸葛亮王通韓愈胡瑗韓琦楊時尹焞胡安國李侗呂祖謙袁燮黃榦輔廣蔡沈魏了翁王柏陸秀夫許衡吳澄許謙曹端陳獻章蔡清王守仁呂坤黃道周陸世儀湯斌

國子監志七

崇聖祠在

大成殿後本名

啟聖祠明嘉靖九年建

國朝雍正元年加封

先師五代並為王爵奉

敕易名正中南嚮

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公位東旁西嚮先賢孔氏孟皮顏氏無繇孔氏鯉位西旁東嚮先賢曾子皙孟孫氏激位東廡祀先儒周氏輔成程氏

珣蔡氏元定西廡祀先儒張氏迪朱氏松乾隆三年易蓋琉璃瓦

三十二年重修國子監志二土地祠在

崇聖祠後禮部則例百二十五

關帝廟在地安門外南向繚以周垣廟門一間左右門各一正門三間前殿三間三出陛各五級東西廡各三間殿西

御碑亭一東廡燎鑪一廡北齋室各三間殿後界牆重門三內

後殿五間東西廡及燎鑪與前殿同殿後東為祭器庫西為治牲所各三間石梁一在廟門外凡正殿門廡均覆綠琉璃餘均甃瓦

門楹丹雘梁棟五采會典七十一廟建於洪武年間至成化十三年重

修舊聞考四十四商輅關帝廟碑漢壽亭侯廟在都城西北隅蓋洪武中建太宗文皇帝嘉侯功烈特頒龍鳳黃紵絲旂一面揭竿豎之以彰威靈每歲正旦冬至及朔望祭祀香燭等儀具有恆品列聖相承崇奉益嚴第歲月滋久殿堂門廡浸以頽圯成化丁酉春二月初吉皇上申命內官監太監宿政董眾工發羣材重加修葺朽者更之腐者易之圯者正之缺者補之漫漶者增飾之

塗以丹漆傳茲藻繪於是正殿兩廊重門皆煥然一新
內製暗花柳黃紅絲旂揭之並製紅絲大紅緞金等袍服青緞金
雲幡被之懸之添設神桌神龕黃綾帷幔朱紅竹簾黃銅香鑪花
瓶燭臺凡供用之器罔有不備後嫌於窄隘復命太監金輔賚內
幣白金若干借宿政市民居起敬政等以竣事聞上深嘉悅命
臣駱撰文勒之穹碑垂示永久臣駱頓首受命謹按侯姓關氏諱
羽字雲長本河東解人開涿郡先主聚徒鄉里匡扶漢室遂往歸
之時與張飛翼德齊名先主及二人寢則同牀恩若兄弟遂建
奇勳三分天下使炎鼎獲存漢統復緒侯之功居多侯精忠大義
炳若日星千載之下凜然猶有生氣祠廟之設徧於天下然涿郡
發迹之地順天為涿之會府都城有廟揆理尤宜祭法日聖王之
制祭祀也以勞定國者祀之以死勤事者祀之侯蓋兼之矣歷代
累封王爵備極褒崇我皇明重定典禮忠臣烈士一依當時秩號
此漢壽亭侯之稱所謂有合於先王之制也與當天子懷柔百神
之日聿新祠宇祇薦祀事所以報大功于異代祈景貺於方來無
非為國家為生民計也自是以往陰陽調而風雨時五穀熟而民
以謂贊孚佑我聖明者其功不亦偉乎臣駱謹敘述其事而系之
以詞曰桓桓虎臣生於漢季資兼文武至誠忠義修髯如戟雄才
卓異傾心先主力扶宗社魏踣吳所向風靡漢祚復延厥功為
最侯之勳業著於當代侯之英靈昭於永世洪惟天朝奄有四海
護國庇民神功甚大立廟都城用伸報祀肆惟皇上帝事繼志聿
新祠宇度越前制惟侯陟降洋洋如在佑我皇明永錫帝系聖壽

萬年鴻圖億載福祿自天有隆
無替成化十三年六月十三日
每歲春秋仲月諏吉及五月十三
日致祭雍正三年定

禮部則例
百二十五
雍正三年

封神曾祖為光昭公祖裕昌公父成忠公崇配後殿

舊開考
四十四

御製重修關帝廟碑記
人之道非聖無以臻其極至聖不可知
而謂之神如書所頌乃聖乃神與夫炎帝之稱神農夏禹之稱神
禹者希焉若神之道皎皎穆穆自日星河嶽爰逮坊庸門雷之各
顯其職靡不緣司契以定主名則純乎神而非人之所得預者生
為英劬為靈其功德勿沫於世世亦相與俎豆尸祝以神之然未
有不推乎正直聰明足立萬禩人倫之表故舉然尊而宗之以為
神聖焉蓋聖而神之所以著聖道之精神而聖之所以明神道之
正若是者嘗求諸
先聖先師而外厥惟

關聖大帝克以當之考

神生值炎漢之季炳大節鋤姦回本末具載志傳要之超倫軼羣其志在春秋其氣浩然常塞乎天地以故前代屢致褒崇至我朝而愈顯且

神蹟不可殫記而於行師命討為益彰自順治九年

敕封忠義神武迨康熙雍正間

詔晉三代公爵增置五經博士及朕臨御以

神原諡因襲陳壽舊史名義未孚每厘於懷我

國家久仰

靈威近於西師之役復昭蒙

佑順因特加封曰忠義神武靈佑並允太常議於地安門外

神廟恭書新號神牌門殿易蓋黃瓦其歲渝舊葺彫剝者聖之槩

之俾稱茂典以今年仲冬月訖工宋臣蘇軾言神在天下如水之在地中無所往而不在顧由斷港絕潢達乎河濟江淮不能不以溟澥觀其匯由墟落塵市赴乎赤畿望緊不能不以都會統其歸於焉求

神之所憑依詎惟是褒大其封鼎新其宇用備昭報之靡文云爾哉將闡夫神與聖之所從來所以為人道扶植綱常助宣風教即制祀之原胥不外是其他稗野所載怪偉荒忽事蹟不見正史者闕而不書懼褻神並誣聖也五年修廟

御書忠貫天人額懸廟中畿輔唐志順治九年封忠義神武乾

隆三十三年加封靈佑嘉慶十八年加封仁勇道光八

年加封威顯禮部則例百二五咸豐二年加封護國三年加封保

民六年加封精誠七年加封綏靖同治九年加封翊贊

光緒五年加封 宣德 咸豐七年進 帝三代王爵禮部冊廟以
白馬得名元混一方輿勝覽以慕容氏都燕羅城有白馬前導因
以為祠而廟碑載明英宗夢見帝乘白馬故名所說不同然神之
昭布顯赫益可想見矣舊聞考四十四

一在正陽門月城之右廟內一焦竑撰記董其昌書一萬曆癸丑
張橋撰記耿志煒書一萬曆丁丑趙端庭撰記白紹經書其義聖
忠王四大字碑則天啟元年建也禮部題定祀典碑天啟七年建
也今並存九門月城俱有關帝廟而士民香火之盛以正陽門為
首舊聞考四十三

本朝道光八年修采訪冊

一在西四牌樓宣武街西額曰雙關帝廟蓋兩像並祀也不知何
時所建元泰定間修五城寺院冊廟內有元李用吳律二碣又明碑三

一為正統十年侍讀學士苗衷撰一為宏治十五年光祿卿張天
駿撰一為嘉靖十九年通政司右參議蔡文魁撰

本朝乾隆三十六年重修舊聞考五十二

一在慈源寺東曰姚彬關王廟俗傳吳將姚彬盜關公馬被獲強
不屈廟塑縛彬像公戎服作色左顧彬彬反面色不屈侍將七人
怒視彬縛彬者仰公顏色而受命馬回望公其色歎沫人曰隋時
像也帝京景物略

一在西紅廟東舊稱團營關帝廟考明景泰間于謙選三大營兵
分十營團練英宗復辟廢之成化間復立增為十二此廟乃明代
團營所祀之神俗稱東紅廟與西廟對峙者也

本朝順治十二年奉
敕重建

賜名忠義殿前恭立

世祖章皇帝御碑文舊聞考一百七

世祖章皇帝御製重建忠義廟碑記 朕聞國家靈長之運必憑藉高穹元貺而乃永於無疆者其明禮崇報當何如耶茲都城北德勝門外土城前舊有關聖廟一座創自明朝已歷多年其間污漫傾頽瞻禮不雅朕念神威赫奕忠義昭然有感必應有禱即靈隨發誠意遣官重飾廟宇莊嚴聖像復建東西兩廊山門圍牆皆煥然一新是豈無緣而致之也哉今已功成噫嘻盛歟作廟翼翼億萬斯年左右明碑二一為吏部尚書李東陽撰正德四年立一為禮部尚書費案撰嘉靖丁未重修記舊聞考一百七

一在恩濟莊路東雍正十二年

世宗憲皇帝賜內監等塋地一區名恩濟莊並於其地

敕建於乾隆三年二月落成戶部尚書海望撰碑記乾隆五年七

月立舊聞考九十七

一在顯應寺西廟棚於康熙五十二年前供馬王像後為關帝殿

乾隆十八年重修工部侍郎德保撰記立石舊聞考九十七

一在長春園大東門外大石橋

一在二河間皆係

本朝建立舊聞考九十九

文昌帝君廟在地安門外之東禮部則例百二十五大門三間左右門各一

正殿三間東西配殿各三間魁光閣三間

御書碑亭一鐘鼓樓各一後殿五間具服殿三間配殿三間會典事例

六百六十三明成化年建

國朝嘉慶六年重修每歲以二月初三日及仲秋月諏吉致祭嘉

慶六年定後殿奉文昌帝君先代神位禮部則例百二十五 按嘉慶六年太常寺奏准

文昌帝君三代姓名查無確據未便請加封號謹擬增製神牌一分牌面書文昌帝君先代神位字樣嘉慶六年

諭京師地安門外舊有明成化年間所建文昌帝君廟宇久經傾

圯碑記尙存特命敬謹重修現已落成規模聿煥朕本日虔申展

謁行九叩禮敬思文昌帝君主持文運福國佑民崇正教闢邪說

靈迹最著海內崇奉與關聖大帝相同宜列入祀典用光文治著

交禮部太常寺將每歲春秋致祭之典及一切儀文仿照關帝定

制詳查妥議具奏

先醫廟在太醫院署內之左圍垣一重廟門一間咸濟門三間左

右更衣室各三間景惠殿三間南向左右步廊六間東西廡各五

間廟門南燎鑪一凡正殿門廡覆甌瓦門楹丹牓梁棟五采會典七十

一明嘉靖年間建春明夢餘錄湧幢小品太醫署中有三皇小像世廟從侍醫之請作景惠殿令大臣春秋主

祀

本朝同治十一年重修采訪册正中奉

太昊伏羲氏左

炎帝神農氏右

黃帝軒轅氏均南向東配句芒風后西向西配祝融力牧東向東

廡儼貸季天師岐伯伯高少師太乙雷公伊尹淳于意華陀皇甫

謚巢元方藥王韋慈藏錢乙劉完素李杲西廡鬼臾區俞跗少俞

桐君馬師皇神應王扁鵲張機王叔和抱樸子葛洪真人孫思邈

啟元子王冰朱肱張元素朱彥修均東西向禮部則例一百二十五每歲以

春冬仲上甲日致祭順治元年定禮部册

都城隍廟在宣武門內西單牌樓西鬧市口城隍廟街采訪册繚以

周垣廟門順德門闡威門凡三重均三間左右門各一前殿五間

東西兩廡各三間迴廊各二十二間連檐通脊前為甬道東

御碑亭一西燎鑪一後殿五間闈威門外東為治牲所三間井亭

一門南東西鐘鼓樓各一凡殿宇門廡覆甌瓦門楹丹牖梁棟五

采會典七廟建於元至元四年冊采訪天祿二年加封大都城隍神

為護國保甯王夫人為護國保甯王妃元史虞集大都城隍廟

皇帝至元四年歲在丁卯以正月丁未之吉始城大都立朝延宗

廟社稷官府庫庾以居兆民辨方正位井井有序以爲子孫萬世

帝王之業七年太保臣劉秉忠大都留守臣段貞侍儀奉御臣和

坦伊蘇禮部侍郎臣趙秉溫言大都城既成宜有明神主之請立

城隍神廟上然之命擇地建廟如其言得吉兆於城西隅建城

隍之廟設像而祠之封曰佑聖王以道士段志祥築宮其旁世守

護之自內廷至於百官庶人水旱疾疫之禱莫不宗禮之邇來六

十有餘年國家治平民物繁阜日盛一日而神之所依亦厚矣祀

典之載所謂有其舉之而莫之敢廢者歟迺天祿二年二月庚子

皇后遣內侍傳旨中政院臣使言於上曰城隍神廟世祖皇帝時

所建有意請出內帑赫彰著而廟久敝弗葺無以答神明之貺以繼

世祖之意請出內帑赫彰著而廟久敝弗葺無以答神明之貺以繼

封神日護國保甯佑聖王其配曰護國保甯佑聖王妃至順二年

二月癸亥以前所賜爲未足用增賜寶鈔十萬緡大修治之平章

政事臣阿爾哈雅工部尚書臣永和爾實奉詔領其事且命之曰

瓦石金碧丹堊既善既足百工並作無敢不虔未幾而告功於是

有敕史臣纂製文刻石以垂示無窮臣集拜稽首而言曰聖上

受命自天纂承大統武臣著功在盟府百靈相協固其宜哉聖后

輔佐聖明之成功而一神之報亦不敢忘可以觀德可以致福可

以式勸於臣矣於戲盛哉請系以詩曰惟皇建國宅中圖大臨制

萬方式表無外列雉四周壯於天垣爰立明神以保固完司空奉

詔慎擇吉土作廟坤維以祝休嘏相維典則有社有方羣黎萬姓

罔敢禱禳惟神孔迺有堂有寢日嘏相維康威怒斯凜歲時牲牛旨

酒明粢無有大小士女畢來列聖清則康威怒斯凜歲時牲牛旨

豐殖相爾稽祈丹聖弗新何以妥之俾佑我人皇上至仁思保赤

子聖后念之命禱靈時天高日明風塵不驚大開明堂治功告成

有祈有報伊古三道出財宮府撤弊改撓山藻孔久既間且安度

其王封載加彌尊神來燕喜百和萃止導天之貺爲帝之社室家

禱永福祿萬年胎及於民生養弗愆崇明永樂中重建中爲大威

靈祠後爲寢祠左右爲齋兩廡爲十八司前爲闈威門門外左右

爲鐘鼓樓春明夢餘錄宣德五年六月命行在工部修明宣宗正統十

二年十一月重建明英宗實錄明英宗實錄城隍廟在都城西

南隅城完之日令更造焉中作正堂爲神寢堂

順天府志六

乾

之前為正門自堂左右至門翼以周廊如官司之職掌以案名者
十二廊東西中侍起如堂者二名左右司正堂以祀城隍之神而
旁以居其輔相者各以序置門之外為重門東西對置鐘鼓樓其
後各有舍以棲其守護之人蓋總為屋以間計者一百九十其地
以丈計者深七十一廣四十一有奇材出於官之素具工役於力
之常供一無所預於告成不浹旬而功倍於累月孟子所謂不日
成之或嘉靖二十七年正月廟災詔工部重建嘉隆聞
庶幾焉

本朝雍正四年乾隆二十八年屢發帑興修恢宏鉅麗視昔有加庭中有碑亭二一為

世宗憲皇帝御製碑文舊聞考

世宗御製都城隍廟碑文 國家受

天眷命懷柔百神祀典所陳罔不虔肅況畿甸之內輦轂之間陰
陽之所和風雨之所會人民稠集庶物蕃滋以熙以遊以長以遂
佐予茂育厥惟

神庥都城舊有廟祀

城隍之神禮臣以時享薦其內朕慮廟貌不肅展敬無由雍正四
年正月特發帑金命官修飭是年五月告成土木之工丹雘之飾
恢宏鉅麗視昔有加焉足以妥侑神明壯觀都邑禮臣構亭礱石
請賜文以為記朕惟禮有六祈之祭書有成秩之文皆以報賽神
功為民求福也方今海內乂安萬物得所豐亨豫大富壽康甯酒
醴牲牲豐潔咸備惟

神實欽格焉而感格之道惟在一誠蓋誠則通通則格陟降上下
錫福在人以致年穀順成閭閻樂業每禧日集罄無不宜將朕與
百姓咸嘉賴之今廟貌聿新用誌歲月且令祠官之有事於庭者
讀其文皆知設誠於中致恭於外齋明蠲潔克薦馨香副朕敬事
神祇之意云乾隆二十八年重修有

高宗御製碑文舊聞考

五十

高宗重修都城隍廟碑記 城隍之文始著周易其麗於秩蓋緣伊耆八蜡之水庸至春秋傳鄭祈四鄘宋用馬四墉而其說差備自時厥後歷代正史未有明文歐陽修集古錄采李陽冰城隍神記亦云祀典無之間考王應麟困學紀聞引北齊慕容儼鎮郢城祀城隍祠則唐以前廟食故有援據今天下自縣而州而府而省莫不立廟而都城隍廟尤天下所會歸不與他等往往以統隸殊制卽封號品數視之然神之所爲禦災捍患與國之所以崇德報功其義等爾乃聞里閭之忙禱禳趾錯詹詹然求神於人尸祝告語曰前攝者忠肅于氏後代者忠愍楊氏也彼言之近鑿政與鮑至南雍州記以蕭相國廟爲城隍神略同抑不思于楊故明蓋臣茲廟勦自金元時果誰氏之司且幽冀肇域以來有城卽當有神更誰氏之司耶比歲嘗敕工官繕堞濬濠俾崇者芘安居深者衍

潤澤庶幾先成民而後致力於神惟斯有以旣其實而不徒爲捧土揭木之故例矧朕敬承上蒼鴻貺胥宇迄乎荒外西陲城郭諸國咸就戎索其稱爲行國嚮無金湯保障者亦已列堡開屯埤堦連延塞河環絡不翅城金牙而隍蒲類矣夫欲舉習爽逃聽之衆無一夫不宥以都人士之懷又何一城一隍之區不可綏以都城隍之神之福哉而況省府州縣之密邇戶闔者哉神廟自雍正丙午興修年久彫剝以今癸未正月集將作支內府金撤而新之由寢堂廡序庖福以逮繚垣綽楔式奠式堅悉協程度維儀門左右植笏夾立者兼備外省城隍肖像雖詢無典實尙不謬乎令牧郡守方伯會朝邦畿之指遂仍而弗改又以落成嘉平之吉於古索饗時適符爰親詣瞻禮卽事製長律紀之命並鐫於碑使祠官被以神絃祇薦時事每歲秋月諏吉遣官致祭行常祀禮

萬壽聖節遣官告祭順治八年議准禮部則例一百二十七

東嶽廟在朝陽門外南向內外圍垣二重廟門三間牌坊門三間

瞻岱門五間正殿七間兩廡各三間迴廊各三十六間連檐通脊

前為甬道左右

御碑亭各一燎鑪二左右牆門各一後殿五間左右廡各三間迴

廊各七間三面環樓三十三間廟門內鐘鼓樓各一廟門外石梁

三左右鐵獅各一前建琉璃坊東西牌坊各一凡殿宇門廡坊綠

琉璃邊門楹丹雘梁棟五采

御碑亭覆黃琉璃鐘鼓樓覆綠琉璃會典七十一元延祐中張留孫創

始至治壬戌泰定乙丑迭加修建天厯元年始行落成采訪冊虞集東嶽

仁聖宮碑延祐中故開府儀同三司上卿元教大宗師張留孫買

地於大都齊化門外規以為宮奉祀東嶽天齊仁聖帝仁宗皇帝

爾年今特進上卿元教大宗師吳全節大發累朝賜金以成其先

師之志至治壬戌作大殿作大門殿以祀大生帝前作靈臺以設

樂門有衛神明年作東西廡各三間特起如殿者四以奉其

佐神之尊貴者列廡如官舍各有職掌皆有人而位之築館於東

以居奉祀之士總名之日東嶽仁聖宮泰定乙丑魯國大長公主

自京師歸其邑之全甯道出東門有禱於大生帝出私錢鉅萬

俾作神寢像帝與其妃夫人婢使之容天厯建元今皇帝既即大

位遣使迎大長公主於全甯還及國門皇后迎母於郊主禮神拜

祝而後即其邸天子乃賜神寢名曰昭德宮廣深若千畝為屋

若千楹高宏麗足以久遠歲時內廷出香幣致祭都人有祈禱

咸得至焉有敕命臣集撰文勒諸麗牲之碑其詞曰帝奠九土辨

方秩祀封嶽為五威在天子有嚴岱宗望之東郊雨雲來敷會不

崇朝有壇有宮神師攸作蒼龍青旂百神祇若天子神聖惠於民

人瞻言度思昭德維新丹楹朱戶納陛登陟青青五組兼幣加璧

禮有舉之祇益以因即祠不違天子之仁徂徠有原新甫有隰樂

具在廷遠者來輯庖盈大享寢陳燕詩神具樂康以惠我私春日

載陽帝藉於邦以先農人祈我穡事我觀我稼視邇知遠爾煦爾

澤自我畿甸相彼柔桑被于沃饒相彼元鳥亦集其條濺濺流水

駕言來祓受弓載鞫思皇朱芾出其闈闈士女車徒來尸來宗壽

日仁聖自是祠徧羣國皇元有天下世祖皇帝歲遣使齋香帛詣
祠致祭至元辛卯加封大生於以祈純嘏以永皇圖邕百嘉川厚
民生也國初東嶽廟未建元教大宗師張開府留孫於延祐未買
地城東擬建東嶽廟事既聞仁宗命政府庀役開府辭曰臣願以
私錢爲之儻費國財勞民力非臣之所以報效也上益嘉賞遂敕
進念師志未畢竭心經營不惜勞費於至治壬戌春成大殿成未
門癸亥春成四子殿成東西廡諸神之像各如其序而後殿則未
皇也泰定乙丑徽文懿福貞壽大長公主東歸過祠有禱捐緡錢若
干緡竟其所未竟者天歷改元皇上入纂正緒主來朝適後殿落成
成事徹宸聽賜名昭德命大司徒臣香沙奉宣玉音諭臣世延文
仁者木之德生者春之用然則天地發育萬物之功皆本於東方
故羣嶽祀之方域而岱宗祠徧海宇雖與禮經稍殊然推原所以
致人心向往之深者其在茲乎詩曰泰山巖巖魯邦所瞻泰山蓋
魯之望也今主食邑於魯則諸侯得祭其山川在境內者以邦君
之母有事於望祀宜乎神之聽之異於季氏之旅矣况際聖天子
膺天景命百靈莫不受職其於默佑顯相宗社億萬年無疆之休
者宜何如哉是宜爲銘銘曰兩儀肇分元氣流行方嶽奠位於赫
厥靈巖巖岱宗維魯之望時巡首途秩祀攸尚帝出乎嶽奠位於
窮仁聖大生代有褒崇相我國家熙洽民物昭明在上有禱弗弗
貞壽之東歷祠捐金五禩來歸靈宇靖深帝曰休徵維天允棗悃
福全受若合符軌含齒戴髮罔不懽心天子萬年式
詔來今日雨日暘毋愆毋忒有年屢書報祀無斁
明洪武三年

詔定嶽鎮神號略曰爲治之道必本於禮嶽鎮之封起自唐宋夫

英靈之氣萃而爲神必受命於上帝瀆禮不經莫此爲甚今依古

定制並去前代所封名號五嶽稱東嶽泰山之神明史禮志正統十二

年八月京師重建東嶽廟成明英宗實錄明英宗碑略天下

莫大於生而東則生之所從始故書稱泰山曰岱宗以其生萬物
爲德爲五嶽之尊也廟而祀神於都城之東示欲厚民生也乃詔
有司治故地於朝陽門外規以爲廟中作二殿前名岱嶽以奉東
嶽泰山之神後名育德俾作神寢其前爲門環以廊廡分置如官
司者八十有一各有職掌其間東西左右特起如殿者四以居其
輔神之貴者皆有像如其生又前爲門者二旁各有祠以享其翊
廟之神有館以舍其奉神之土廟之廣深凡若干畝爲屋總若干
楹蓋始於正統十二年五月落成於八月歲時致以香幣冀神運
生生之機於無窮亦
順民所欲之一也

本朝康熙三十九年災

賜帑重建有

聖祖御製碑文

舊聞考八十八 香祖筆記康熙庚辰三月朝陽門外東嶽廟災殿廡皆燼獨左右道院無恙廟中

東嶽廟志

卷

仁聖帝炳靈公司命君四丞相皆元時劉元所塑元最善搏換之法天下無與比至是皆燬於火

聖祖御製東嶽廟碑文 京師朝陽門外向有東嶽廟自元明迄今歷有年所康熙三十七年居民不戒而燬於火其明年朕發廣善庫金鳩工庀材命和碩裕親王董其事不勞一民不興一役經始於三十九年三月訖工於四十一年六月不三歲而落成殿閣廊廡視舊加飾焉夫五嶽爲名山之長而泰山尤羣嶽之宗於時爲春於德爲仁而其神之靈又能膚寸成雲霖雨天下故諸嶽止祀於其方而泰山之祠徧宇內崇德報功所從來久矣朕卽位以來殫心治理訪求民隱閱視河工屢經魯地皆命專官致祭凡以爲蒼生祈福祉也茲朝陽旣都城之巽位而東嶽廟又適在其地則因其方位之宜以隆望秩之典亦禮之可以義起者然則斯廟之成也神旣得所憑依而民亦遂其瞻仰自茲以往風雨以節寒

暑以時俾海宇得休養生息以共樂於豐穰之世庶於朕四十餘年惠愛黎元之意其稍有慰乎爰書重建之歲月以昭示來茲云爾康熙歲次甲申冬十一月上旬書乾隆二十六年重修有

高宗御製碑文

舊聞考八十八

御製東嶽廟重修落成碑記

乾隆辛巳嘉平之望重葺朝陽門

外

東嶽廟葺工旣親蒞落成會獻歲時巡南服道經

岱宗念往牒用事得失所由茲於有司請記而闡其義曰古祀嶽之文壇而弗屋神而弗像升柴必以其方故舉典稱望焉今四嶽各望乎境而

泰山之祠徧天下豈不以大生之德揚詡萬彙食則思報國與民共之匪猶夫肆覲告功間時特行者比耶訟禮者謂廟之肇興博

綜輿志未有在宋大中祥符前者其視委巷尸祝晉公而王晉王而帝踵事非制等爾夫未俗位號崇奉為道流襲故不足論論天下立廟則彼他然嶽麓者已自唐而具五矣亦豈有虞氏之舊哉獨怪云云亭亭蒲輪蒞席以來不七十二代之訾議而惟一廟為齟齬乎蓋神人之交非其道雖登山記封禪而不得謂之稟經如其道即祠饗遠方陬而不得謂之辰古宋臣蘇軾有言神在天下如水之在地中掘井得泉不得謂水專在是矧東嶽長羣望而茲廟直朝陽以準易之出震齊巽又誰曰不宜斯役也距

皇祖四十一年

命將作庀事垂六十載於今斤登其剝墜而泰堊其黝昧三塗重庶式塏式完支費壹出內帑鳩工周一歲以成皆得備書且為迎

神送神歌麗諸樂石俾展時事

樽桑兮升暉碧霞縵兮承幃穆將兮天齊

叶

富媪兮嗑春祺

神膚寸兮導雲旂迎辟蠶兮如幾謂茅春其非芬兮木馬詎肥羌

奚參兮封泥 右迎神

玃天門兮四啟睽奉高兮東陟昭文像設兮新宮云巋送將歸兮

神歆只華轅裊裊兮百靈纒纒勇一元兮翊三始青巖延喜兮黃

圖薦祉蓀何為兮縣殿 右送神每年

萬歲聖節遣官致祭

會典事例二百六十

一在

靜明園

仁育宮門外建三面坊楔中曰瞻喬門二層曰嶽宗門宮內奉東

嶽天齊大生仁聖帝像左曰佑宸殿右曰翊元殿又左爲昭聖殿
右爲孚仁殿正殿後爲

玉宸寶殿奉

昊天至尊玉皇大天尊玄穹高上帝像又後爲泰鈞樓左爲景靈

殿右爲衛眞殿乾隆二十一年建

舊聞考
八十三

御製玉泉山東嶽廟碑文 東嶽爲五嶽宗德發揚詔萬物出雲
雨以蕃殖嘉穀阜成兆民伊古以來秩視三公載在祀典尙已顧
天門日觀去京師千里而遠歲時莅事職在有司方望之祀非遇
國家大慶及巡狩所至未嘗輒舉是以郡邑都會往往崇廟貌以
奉苾馨夫亦以東方春生之氣貫於四時明靈胥蟹無往勿格祝
釐祈禱誠應響捷如生氣之於物肖翹跂喙洪纖嫩惡無不畢達
固非特巖巖具瞻表望齊魯而已京師之西玉泉山峯巒窈深林

木清瑟爲玉泉所自出滋液滲漉澤潤神皋與太山之出雲雨功
用廣大正同爰卽其地建東嶽廟凡殿宇若干楹規制崇麗以乾
隆二十有一年工竣有司以立碑請稽古制四望無廟祀然周官
小宗伯所職四望有兆典祀掌外祀之兆皆有域又山虞祭山林
則爲主曰兆曰域曰主皆欲神有所憑依而致其昭格也近代旣
有象設則立廟以祀尤洋洋顯赫其致精誠以交於神明不益著
歟夫七十二君封禪之說荒邈無稽而金泥玉檢登封岱宗漢唐
令辟同不免侈爲盛儀動色矜耀謂合於經所云因名山以升中
於天夫名山所在多有均爲造化靈粹所鍾英爽若接東嶽之爲
泰岱人皆知之而不知山嶽之靈不崇朝而雨天下其精神布濩
固無不之譬夫山下出泉隨地歆湧導之卽達固不可謂水專在
是則東嶽之祀於茲山也固宜是爲記

靈明顯佑宮在地安門外日中坊橋之東北南向繚以周垣廟門三間顯佑門三間正殿五間崇基石闌三出陛中九級東西各七級兩廡各五間殿前左右碑亭各一東南燎鑪一後殿五間廟門內東西鐘鼓樓各一廟門外牌坊一凡正殿門樓均黑綠琉璃餘均甌瓦門楹丹雘梁棟飾以五采會典七十一顯佑宮中奉眞武明永樂十三年勅建成化十五年修俱有碑

本朝雍正九年重修乾隆二十八年又修有

高宗純皇帝御碑

舊聞考五十四

御製重修顯佑宮碑記 議禮家稟承經訓斥道流傳會神奇之事以爲說莫吾勝顧不揆夫天人幽明所究極道者之說之本出乎經故道晦而經益荒卽禮亦因之以缺圖誌載眞武之神爲靖樂王太子受道祕於紫虛元君入山修鍊飛昇從而著寶號傳眞

籙疑於精英惚恍足以聳動一世之耳目而不能塞扶翊風教者之心然禮不云乎前朱雀而後元武釋者謂元武卽龜蛇爲旒有四旒其星虛危七星其次元枵姬訾凡注天官職方者莫不徵引蓋先王取象以節軍旅疾徐進退之度爲能應天而順人卽由此推之命討告功若禡禩伯禱庸得謂非其所有事而竟齒於無文之秩乎今道家奉神左右有將曰龜曰蛇正數典不忘其祖至改元武爲眞武則自宋時避廟諱以眞代元始而羽士尊之曰北極元天又取漢時五帝義疏沿而襲之其訓後爲北方原出經解匪彼氏哆譚尤信京師顯佑宮建自明永樂十三年以祀佑聖眞君正德中更署額爲靈明顯佑宮成化碑記備詳洪武及靖難間行陣呵護之應雖語涉響像尙不謬經文飾恕遺意其後濫觴罔制致內官陳善憑茲援納左道猥瀆明禋宮猶巍然神豈顧饗惟是

神宮地當坎位稟元冥之令符天一之行佑國佑人昭格融顯有其舉之亦莫可廢乃以癸未孟春出內帑之羨鳩工庀材匪增日葺其年十有二月訖事整贍恢闓足以揭虔展事所司礪石請記為推明闡道正經之大者以示前民用而祛民惑其他世俗昭報如雞鳴之祠武當之幣皆略而不書歲恭遇

萬壽日遣官致祭一統志

火神廟在地安門外日中坊橋之西繚以周垣廟門一間東向左右門各一內為牌坊門正殿三間南向西廡三間東向南殿三間左右各三間東西廡各一間燎鑪一正殿後閣三間東西各三間後羣樓十有五間廟門內鐘鼓樓各一廟門外牌坊一門樓覆黃綠琉璃殿覆綠琉璃門楹丹牖梁棟五采會典七十一廟即火德真君廟唐貞觀中所建舊址元至正六年修萬厯三十三年改增碧瓦

重閣焉前殿曰隆恩後閣曰萬歲景靈閣左右輔聖弼靈等六殿

殿後水亭望北湖殿墀二碑一右春坊朱之蕃撰一禮部侍郎翁

正春撰帝京景物略乾隆二十四年重修舊聞考五十四每歲以夏季月下旬

三日致祭禮部則例一百二十六

一在琉璃廠東五城寺院冊乾隆乙未年步軍統領衙門

奏請發所存備賞銀以兩計者五千八百有奇委員監修得

旨俞允以丙申年正月經始九月工竣凡重修正殿前殿各三楹

東配殿十五楹又增建西配殿及東西廡各三楹舊聞考六十一

黑龍潭龍神廟在京西北三十里金山之西正殿三間東向崇臺

朱闌殿左燎鑪一前為廟門繚以朱垣門外

御碑亭二又前為牌坊左右碑亭各一東北為龍潭水從山峽流

出繞潭回廊三十三間潭南小潭二其外為大門自殿至大門凡

五層磴道百級

御碑亭正殿廟門牌坊均覆以黃琉璃餘均甃瓦門楹丹牓梁棟

五采神廚治牲所皆在廟外之右會典七十一廟前為潭幹四丈二尺

土人云有黑龍潛其中帝京景物略乾隆三年

敕封為昭靈沛澤之神廟建於明成化二十二年萬曆十四年重

修舊聞考一百六明神宗御製龍王廟碑畫眉山龍王廟在

祀龍王焉成化壬辰憲宗純皇帝禱雨有應新其廟而勒詞於豐

碑萬曆十有三年春夏不雨麥稼焦枯以五月往禱於廟洩旬之

間嘉樹屢沛郊野霑足三農欣舞爰出內帑金錢重增葺之為之

記而系以銘曰於赫龍王不顯其光上下帝旁噓翁無方為雷為

雲為雨有開必先靡求不與我求伊何黍稷稻粱爾與

伊何千倉萬箱眉山之下龍王之宇迄今康年穀我士女

國朝康熙二十年修有

聖祖御製碑會典事例三百六十一

聖祖御製黑龍潭重修龍王廟碑記傳曰神有功德於民則祀

之能捍大患禦大災則祀之非此族也不載祀典朕自御極以來

夙興夜寐惟思稼穡為小民之依所期時和歲豐嘉生樂育然年

穀順成雨澤是資詩曰琴瑟擊鼓以祈甘雨信乎

天心仁愛亭毒萬物而協靈效順優渥霑足之應皆有神焉以司

之亦如分猷布澤之無敢曠厥職焉距京師西三十餘里金山之

麓有潭泓然以深不泛不涸前代時以亢旱禱望其地輒能興致

靈雨因名黑龍潭焉潭之側倚山瞰壑舊有祠宇以祀其神朕數

以祈雨駐蹕於茲爰謀式廓其廟貌以昭靈貺而敬民事今者四

郊之內雨暘時若歲登大稔工適告成惟神之功德實能膏澤田

疇以福庇生民揆諸捍患禦災之義莫大於此用是勒諸貞石垂

示無窮甯不偉歟雍正三年再修易以黃琉璃瓦有

世宗憲皇帝御製碑舊聞考一百六

世宗御製黑龍潭碑文 京師之西有黑龍潭焉地靈所鍾實能
興致雲雨我

聖祖仁皇帝撫臨萬邦治臻上理軫念羣生每禱於斯輒有靈應
百穀用成康熙二十年乃重建祠廟
御製碑文勒之珉石以昭神庥朕嗣位以來仰體

聖祖之心以爲心夙夜孜孜惟冀雨暘時若盈甯康阜用誠和萬
民甲辰春雨澤微愆爰詣茲潭特申祈祝回鑿之後澍雨應時三
月初甘霖疊沛遠近霑足二麥豐登朝野同聲罔不歡慶蓋感應
若斯之捷也朕惟天人合一之理莫大於誠而幽明昭格之幾莫
先於敬傳曰先成民而後致力於神又曰民和而神降之福朕愛
養元元惟恐一物失所致陰陽之沴而干天地之和故浹歲之中
屢下蠲租之詔偶值愆陽見告不憚躬親祝帛以薦馨香而冥漠

之中亦若有胥蟹答之靈爽憑之者朕因民而祈福於神神惠民
而效靈於朕皆默通於誠敬之中而不疾而速不行而至理有固
然無足疑者顧歲月滋久不更加修葺恐非所以宅神明答靈貺
乃命官庀材經始於二年之三月告成於三年之五月殿廡門寢
煥然一新訖工之日有司磨治豐碑以記請夫禮有大雩之文詩
載同雲之什故祭則受福而有舉必書且誠敬之念所以交神明
格上下用紹我

聖祖仁皇帝軫念蒼生懷保萬民之至意者尤朕所時厯於中而
不能釋也是爲記每歲春秋諏吉致祭

禮部則例
百二十七

一在

祈穀壇西亦爲祈禱雨澤之地

國朝以來屢加修葺乾隆三十六年

高宗純皇帝復命鳩工庀治益昭整潔焉

舊聞考六十一

白龍潭龍神祠在密雲縣東

詳密雲祠祀

昆明湖廣潤靈雨祠在玉帶橋之西每歲春秋諏吉致祭

禮部則例百二十七

嘉慶十七年

諭昆明湖廣潤靈雨祠龍神靈應夙著本年三月二十九日朕因農田望澤前往拈香甫回御園甘霖立沛旬日以來大田微覺乾燥朕昨早復親詣拈香默禱旋即油雲密布午後甘膏滲灑四野優霑本日又得陣雨滂沛神佑感孚如響斯應允宜崇加稱號於原封安佑普濟神號下敬增沛澤廣生四字並著禮部查照黑龍潭玉泉山兩處龍神祠祀典一體春秋致祭以昭靈貺欽此

一在新街口雍正七年奉
世宗憲皇帝發帑勅建乾隆十八年奉

旨易蓋琉璃瓦三十八年奉

敕重修

舊聞考五十二

玉泉山龍神祠在京西玉泉山之麓正殿三間東向覆以黃琉璃門楹丹雘梁棟飾以金碧其下玉泉趵突蕩漾成湖殿階上下左右

御書碑二燎鑪一

會典七十一

乾隆九年奉

旨封京都玉泉山龍王之神為惠濟慈佑龍神嘉慶六年

諭稱為惠濟慈佑靈護龍王廟以昭崇奉

會典事例三百六十一

每歲春秋遣

官致祭

禮部則例百二十七

惠濟祠在

綺春園內祀

護國庇民妙靈昭應宏仁普濟福佑羣生誠感咸孚顯神贊順垂

慈篤祐安瀾利運澤覃海宇天后之神

禮部則例百二十七

道光二十八年

加 恬波宣惠咸豐二年加

道流衍慶三年加

靖洋錫祉五

年加

恩周德溥又加

衛漕保泰七年加

振武綏疆嘉慶六

年議准封

天后父為積慶公母為積慶公夫人道光二十三年

加 衍澤同治十一年加

嘉佑

禮部冊

每歲春秋擇吉致祭

禮部則例

河神廟在

綺春園內祀

長源佑順淮瀆之神

顯佑通濟昭靈效順金龍四大王之神

靈佑襄濟黃大王之神每歲春秋擇吉致祭

禮部則例百二十七

南惠濟廟在盧溝橋之南拱極城東半里許

五城寺院冊

金大定中建

封安平侯元至元中封顯應惠濟公明正統中建龍神廟於隄上

本朝康熙三十七年

聖祖仁皇帝發帑重建

敕封永定河神有

聖祖御製碑文

舊聞考九十三

聖祖御製碑文

朕勞心萬民於農田水利諸務常切講求大要

仿古之決河浚川而因勢利導度有可行期於必濟惟勤不應樂

觀厥成念茲永定河其初也無定蓋緣河所從來遠發太原之天

池經朔州馬邑會鴈雲諸水過懷來夾山而下至都城南土疏衝

激數徙善潰頗壞田廬為吾民患苦朕甚愍之蠲賑雖頻告災如

故永圖捍禦之策咨度疏濬之方特命撫臣于成龍董司厥事庀

役量材發帑諏日具告禱於神乃率作方輿庶民子來畚鍤雲集

湯湯之水滂波有歸橫流遂偃嘉此新河既濬既平計地自宛平

之盧溝橋至永清之朱家莊匯郎城河注西沽以入於海計里延
袤二百有餘廣十有五丈計工始於康熙三十七年三月辛丑卽
工於五月己亥自今蓄洩交資高卑並序民居安集亦克有秋夫
豈惟人力是爲抑亦神庥是賴宜永有秩於茲土以福吾民用是
錫河名曰永定封爲河神新廟奕奕丹雘崇飾更頒翰墨大書扁
額以答靈貺豈特於祈報之禮有加尙俾知水利有必可興水患
有必當去而勤於民事神必相之以勸我長吏凡浚渠築堰咸所
當盡心爰揭諸碑紀茲實事監於後人視永定河所自始乾隆十
六年

高宗純皇帝發帑重修

敕加封安流廣惠永定河神有

高宗御製碑文

舊聞考
九十三

高宗御製安流廣惠永定河神廟碑文 國家懷柔百神嶽瀆海
鎮而外名山大川之祭視歷代爲加隆矧郊圻近甸洪流巨浸經
行迄於千里利賴存於萬姓昭德報功曷敢弗欽崇厥祀永定河
古桑乾河也發源天池挾流馬邑匯雲中鴈門諸水穿西山而注
盧溝亦曰盧溝河西山而上岡巒夾峙無衝激之患盧溝下地平
土疏波激湍悍或分或合遷徙弗常而固安霸州之間輒至潰溢
我

皇祖聖祖仁皇帝親臨指示大修隄堰肇錫佳名我

皇考世宗憲皇帝興舉水利疏濬兼施蓋自康熙三十七年至今
水慶安瀾民資作乂平成底定之績邁越前古而神庥協應靈貺
屢彰已五十年於茲矣康熙雍正年間盧溝石景均建有龍王之
廟而神宇之嘉稱未定朕纘膺鴻緒躬閱河防仰惟

謨烈之顯承敬念

明神之孚佑深籌捍禦之宜備舉尊崇之典爰敕督臣式輪式奠新定斯名平野臨其前長河繞其側堂基爽塏棟宇闕深禮臣請勒文貞珉以紀歲月朕惟詩日允猶翕河又日世德作求永言配命惟永定河之順軌經兩朝之方略翕猶之功既著

世德之盛彌昭今茲廟貌維新以妥以侑朕既薦明德之馨彌深紹庭之念神其益懋豐功降康兆庶俾三輔之內廬井恬熙咸安作息以慰朕懷保萬民之意以宏我國家無疆之慶將億萬斯年實嘉賴焉乾隆十六年歲次辛未十一月十一日三十九年又修額曰南惠濟者以河之上流石景山有北惠濟廟也舊聞考九十三北惠濟廟在石景山西南雍正七年世宗憲皇帝命建廟以答神庥

賜名北惠濟廟有

世宗御製碑文

舊聞考一百四

世宗御製北惠濟廟碑文 永定河古所稱桑乾河出太原經馬邑合鴈雲諸水奔注畿南發源既高匯流甚眾厥性激湍數徙善潰康熙三十七年我

皇考聖祖仁皇帝親臨指授疏導之方新河既濬遂慶安瀾爰錫嘉名永昭底定立廟盧溝橋北題額建碑奎文炳耀河神之封實自此始朕纘紹鴻基加意河務設官發帑深籌疏築之宜比年以來永定河安流順軌無衝蕩之虞民居樂業歲獲有秋豈惟人事之克修實賴神功之贊佑念石景山據河上游捍禦宜亟爰命相擇善地作新廟以安神朕弟和碩怡賢親王躬往營度得地龐郁之西鼎建斯廟長河西繞而南縈峯嶺北紆而左鶩控制形勝負

山臨流殿宇崇嚴規制宏敞護以佛閣界以繚垣經始於雍正七年冬逾一年役竣復以盧溝神廟

皇考聖蹟所在加意崇飾丹雘維新並增建傑閣翼如煥如稱朕敬神惠民之意爰賜廟名曰惠濟勒文貞珉以紀其事詩稱懷柔百神及河喬嶽河之有神備載祀典况永定為畿輔之名川靈應夙著田疇廬舍繡錯郊圻其得安耕鑿而樂盈甯者胥仰荷

皇考方略之昭垂而明神顯靈默相孚佑蒸黎邀福孔多宜加崇敬今茲數十里內廟貌相望虔修秩祀尙其妥侑歆饗俾斯民康阜乂安以宏我國家無疆之慶豈惟朕承茲惠貺我皇考平成之駿烈實嘉賴焉

河神祠在趙邨西二里許北岸二工五城寺院册祠內東廂設

御座額曰恍哉榭舊聞考九十三

時應宮在西安門內金鰲坊南雍正二年

敕建以祀龍神畿輔通志

宣仁廟在東安門內北池子雍正六年

敕建以祀風神嘉慶九年重修會典事例六百六十三

凝和廟在宣仁廟南一統志雍正八年

敕建以祀雲神舊聞考三十九

昭顯廟在興隆寺南一統志雍正十年

敕建以祀雷神舊聞考四十一

永佑廟在草廠西祀城隍神城册雍正九年建舊聞考四十二

倉神廟一在左翼海運倉一在右翼興平倉一在朝陽門外儲濟

倉雍正七年覆准通州三倉惟大西倉舊有倉神祠在

京師內七倉右翼興平倉廟有太倉神廟請重加修葺左翼擇於

海運倉照興平倉廟式建立廟宇城外五倉統於新建之儲濟倉

建廟

會典事例三百六十一

每歲春秋諏吉致祭

禮部則例百二十七

昭忠祠在崇文門內東單牌樓西四方柵欄內

采訪冊

南向圍垣一

重正門五間三階左右門各一二門三間左右

御碑亭各一正殿七間南向左右序各七間東西樓各五間樓南

兩廡各三間殿東燎鑪一西向殿後正屋五間左右屋各三間正

屋左右羣房各五間左右屋之旁羣房各三間均南向東西燎鑪

一殿東為祭器庫宰牲房治牲所井亭正門前石獅二東西門各

一凡殿門正屋均覆綠琉璃餘均甌瓦門楹丹牖梁棟五采

會典七十一

雍正二年

敕建祀

本朝王公大臣官員之全忠盡節者一統志前正室中安設王等位

正室左右及後正室安設公以下大臣四品以上官員位前東西

配室後左右室安設五品以下官員文職典史以上及舉貢生監

武職外委以上位前兩序兩廡後配房羣房祀陣亡官兵

禮部則例

百三十一雍正二年

諭朕維周禮有司勳之官凡有功者書名太常祭於大烝祭法曰

以死勤事則祀之凡以崇德報功風勵忠節也我

太祖高皇帝肇造鴻圖

太宗文皇帝式廓區夏

世祖章皇帝奄有萬邦自創業以至定鼎將帥之臣致命立功者

不少

聖祖仁皇帝臨御六十一年中間殲滅三逆永清朔漠以及平定

西藏台灣雖天戈所指如疾風振槁而師旅之臣捐軀馬革及守

土之官見危受命者所在多有邇者青海蕩平西域效順然自用兵以來將士奮勇前驅亦有歿於行陣者此皆盡忠報國之臣朕甚嘉之亦甚憫之當於京師建立祠廟春秋妥侑世世血食其偏禪士卒力戰敵愾舍生取義者亦附列左右以崇褒大節揚表芳徽俾遠近觀聽勃然生忠義之心於治道亦有裨益仍令翰林官纂其籍貫事蹟各爲立傳彙成一編垂諸永久九卿詹事科道悉心詳議具奏是年

欽定祠名表獎忠勳

御書匾額給賜歲以春秋仲月諏吉遣官致祭

會典事例三百六十五

賢良祠在地安門外白馬關帝廟旁南向繚以周垣大門二門各三間左右門各一正殿三間東西廡各三間東廡南燎鑪一後屋五間兩廡及燎鑪如前左右門各一東爲治牲所西爲安牲房二

門外左右

御碑亭各一東正殿正門均覆琉璃瓦餘均甃瓦門楹丹雘梁棟

五采

會典七十一

雍正八年

敕建

禮部冊

雍正八年

諭國家效忠宣力之臣勳績懋著必膺崇報之典令其世饗烝嘗雍正二年朕已敕建昭忠祠自開國以來致命立功盡忠報國之傳皆得春秋妥侑世世血食顧念古者大烝之祭凡法施於民以勞定國者皆得並列祀典永受明禋則我朝名臣良弼其經邦佐治黼黻昇平者皆祭法所必登朕欲爲之建立祠宇久矣卽如怡親王之精白一心忠誠體國勳在社稷澤被生民其功德隆盛又豈一切效忠宣力者之所可比倫乎洪維

太祖

太宗創業垂統厥有一德佐命之良

世祖撫綏萬邦實多奮庸熙載之彥迨我

聖祖臨御六十餘年間良臣碩輔後先相望據朕所深知者舉其一二如大學士公圖海公賴塔大學士張英尙書顧八代馬爾漢趙申喬河道總督靳輔齊蘇勒總督楊宗仁巡撫陳瓚等持躬正直奉職公忠或垂節鉞之勳或勵冰霜之節俯仰無愧爲朝野所共欽終始無欺無瑕疵之可指此等靖共爾位不愧古大臣之風者正不乏人旣樹羽儀於一世宜隆俎豆於千秋且使世之爲臣者觀感奮發知所慕效羣以臯夔稷契共相期待則明良喜起之盛朕於斯有厚望焉著於京城內選擇吉地特建廟宇命名賢良祠春秋以時展祀其應入祠之人著大學士會同該部查明本朝滿漢文武大臣才德著聞完名全節者詳慎開列具奏請旨將來

繼起之臣亦竝得沾被恩光永爲盛典

世宗憲皇帝御製賢良祠碑文 朕維國家鍾昌隆之運誕降賢

臣宇宙成熙皞之風端資良弼故徽聲聿播旂常銘勒於生前而元祀攸崇俎豆歆承於身後用以寵褒已往勸勵方來所由沛殊恩舉曠典也爾和碩怡賢親王忠孝自天敬勤成性嘉猷入告啟乃心以沃朕心庶績咸熙圖國事卽如己事勳高變理立臣道之儀型禮極哀榮備人生之祉福爾大學士公圖海等際王迹肇基之始業贊運籌當皇朝一統之期績參佐命我

皇考聖祖仁皇帝縣膺厯祚簡公卿以翊昇平載定寰瀛選將帥而宣威武中朝外任多令名清節之完人跨海窮邊著破敵開疆之偉略朕眷懷舊德詢訪僉謀旣祠宇之告成敘官階而列位於

戲念鴻功於同氣自古希倫追盛烈於羣賢於今不泯綸章丕錫
永垂圖牒之輝珉石深鐫式煥星雲之色凡百有位其咸觀感於
茲歲以春秋仲月諏吉遣官致祭

禮部則例

睿忠親王祠在朝陽門外乾隆四十五年建

禮部則例百三十

南向大門

三間正中碑亭一正屋五間東西廡各三間覆以綠琉璃瓦前柵

門三後甍門一石梁一周繞朱垣

會典事例六百六十三

祀睿忠親王並福

晉科爾沁博爾濟吉特氏佟佳氏扎爾莽博爾濟吉特氏科爾沁

博爾濟吉特氏科爾沁博爾濟吉特氏朝鮮李氏

會典事例三百六十六 乾

隆四十三年

諭睿親王多爾袞當開國時首先統眾入關掃蕩賊氛肅清宮禁
分遣諸王追殲流寇撫定疆陲一切創制規模皆所經畫尋即奉
迎

世祖車駕入都定國開基以成一統之業厥功最著願以攝政有
年威福不無專擅諸王大臣未免畏而忌之遂致歿後為蘇克薩
哈等所搆授款於其屬人首告誣以謀逆經諸王定罪除封其時
我

世祖章皇帝尙在沖齡未嘗親政也夫睿王果萌異志則方兵權
在握何事不可為且吳三桂之所迎勝國舊臣之所奉止知有攝
政王耳其勢更無難號召即我滿洲大臣心存忠篤者自必不肯
順從然彼誠圖為不軌無難陰鋤異志以逞逆謀乃不於彼時因
利乘便直至身後以殮服僭用明黃龍袞指為覬覦之證有是理
乎況英親王阿濟格其同母兄也於追捕流賊回京時謊報李自
成身死且不候

旨班師睿王即遣員斥責其非免王公等往迎之禮又因阿濟格

出征時脅令巡撫李鑑釋免逮問道員及擅至鄂爾多斯土默特取馬會議其罪降爲郡王平日辦理政務秉公持正若此是果有叛志乎無叛志乎又

實錄載睿王集諸王貝勒貝子公大臣等遣人傳語曰今觀諸王貝勒大臣等但知諂媚於予未見有尊崇

皇上者予豈能容此昔

太宗升遐嗣君未立英王豫王跪請予卽尊位予曰若必如此言予卽當自刎誓死不從遂奉

皇上纘承大統似此危疑之日以予爲君子尙不可今乃不敬

皇上而媚予予何能容自今以後有盡忠

皇上者予用之愛之其不盡忠不敬事

皇上者雖媚予予不爾宥也且云

太宗思育予躬所以特異於諸子弟者蓋深信諸子之成立惟予能成立之每覽

實錄至此未嘗不爲之墜淚則王之立心行事實能篤忠蓋感厚恩深明君臣大義尤爲史冊所罕覩使王彼時如宋太祖之處心積慮則豈肯復以死固辭而不爲邪說搖惑也乃王之身後久抱不白之冤於泉壤心甚憫焉假令王之逆迹稍有左驗削除之罪果出於我

世祖聖裁朕亦甯敢復翻成案乃實由宵小姦謀構成冤獄而王之政績載在

實錄者皆有大功而無叛逆之迹豈可不爲之昭雪乎昨於乾隆三十八年因其瑩域久荒特飭量爲繕葺並准其近支祭掃然以王之生平盡忠王室尙不足以慰彼成勞朕以爲應加恩復還睿

親王封號追諡日忠補入

玉牒並令補繼襲封照親王園寢制度修其塋墓仍令太常寺春秋致祭其原傳有未曾詳敘者並交國史館恭照

實錄所載敬謹輯錄增補宗室王公續傳用昭彰闡宗勳至意歲以仲春月致祭會典事例三百三十六

怡賢親王祠在正陽門內東偏雍正八年

敕建一統志

雙忠祠在崇文門內石大人胡同采訪冊乾隆十六年建禮部則例三百三十

南向大門三間左右門各一二門一間正屋三間東西廡各三間燎鑪一二門外正中碑亭一繚以朱垣會典事例六百六十三合祀都統一

等伯諡襄烈傅清左都御史一等伯諡壯果拉布敦春秋致祭會典事例三百六十

旌勇祠在地安門外半藏寺西乾隆三十三年建禮部則例三百三十南向

大門三間左右門各一正中碑亭一東官房五間西庫房五間二門一間正屋三間東西廡各三間燎鑪一覆以黑琉璃瓦繞以甃

垣閑以朱柵會典事例六百六十三祀誠嘉毅勇公諡果烈明瑞配都統諡昭節札拉豐阿護軍統領觀音保總兵李全王玉廷三十四年以

總兵德福入祀每歲春秋仲月諏吉致祭會典事例三百六十獎忠祠在地安門內之東東華門外嘉慶二年建禮部則例三百三十南向

大門三間正中碑亭一正屋三間東西廡各三間燎鑪一覆以綠琉璃瓦大門外石獅二柵門二門楹朱飾梁棟五采會典事例六百六十三

祀郡王銜大學士諡文襄福康安歲以春秋仲月諏吉致祭會典事例三百六十

褒忠祠在地安門外之西嘉慶十一年建禮部則例三百三十南向大門三

間正中碑亭一正屋五間東西廡各三間燎鑪一覆以黑琉璃瓦

會典事例六 祀領侍衛內大臣三等公額勒登保 禮部則例 歲以

春秋仲月諫吉致祭 會典事例三 百六十六

定南武壯王祠在廣安門外順治十一年建 禮部則例 圍牆一重

大門三間正屋三間兩廡各三間均覆黑琉璃前立石碑一門外

列柵塗丹 會典事例六 祀定南王諡武壯孔有德並妃白氏李氏

歲以春秋仲月致祭 會典事例三 百六十六

恪僖公祠在安定門外里八臺康熙十九年建 禮部則例 制如武

壯王祠 會典事例六 祀一等公諡恪僖遏必隆並縣主一品夫人

舒舒覺羅氏乾隆三十五年以領侍衛內大臣諡懋敬音德戶部

尚書果毅公諡襄壯阿里衮從祀其音德夫人董氏阿里衮夫人

瓜爾佳氏照例祀歲以春秋仲月致祭 會典事例三 百六十六

勤襄公祠在朝陽門外雍正二年建 禮部則例 制如武壯王祠 會典

事例六 祀太師定南將軍一等公諡勤襄佟圖賴並一品夫人

覺羅氏次太傅安北將軍內大臣都統一等公諡忠勇佟國綱並

一品夫人他塔喇氏溫都氏次太傅領侍衛內大臣一等公諡端

純佟國維並一品夫人赫舍哩氏 會典事例三 歲以春秋仲月致

祭 禮部

文襄公祠在德勝門外雍正二年建 禮部則例 制如武壯王祠 會典

事例六 祀少保兼太子太傅一等公中和殿大學士諡文襄圖

海並一品夫人覺爾禪氏鈕鈺錄氏 會典事例三 歲以春秋仲月

致祭 禮部

宏毅公祠在安定門外里八臺乾隆二年建 禮部則例 制如武壯

王祠 會典事例六 祀光祿大夫宏毅公額亦都 會典事例三 歲以

春秋仲月致祭禮部

恪僖公祠在東安門內乾隆十四年建禮部則例制如武壯王祠

會典事例六祀太子太保內大臣議政大臣總管內務府大臣一

等男兼一雲騎尉追封一等承恩公諡恪僖哈世屯並一品夫人

覺羅氏次戶部尚書總管內務府大臣一等男兼一雲騎尉追封

一等承恩公諡敏果米思翰並一品夫人穆溪覺羅氏博爾濟吉

特氏次一等男兼一雲騎尉兼察哈爾都統追贈一等承恩公諡

莊懋李榮保並一品夫人覺羅氏乾隆三十五年以太保大學士

忠勇公諡文忠傅恆從祀以夫人那拉氏附祀會典事例三歲以

春秋仲月致祭禮部

左翼忠孝祠在王府大街大門一間內立石碑一二門一間正屋

三間兩廡各三間後屋五間兩廡各三間大門外各建牌坊一會典

七十

左翼節孝祠在理藩院署後制如忠孝祠采訪

右翼忠孝祠在武定侯衙制如左翼忠孝祠今廢采訪

右翼節孝祠在按院衙制如左翼忠孝祠光緒元年重修采訪

文丞相祠在府學衙內府學之東祀宋丞相文天祥舊聞考明

初北平按察司副使劉崧立名勝宣德二年二月遣順天府官祭

歲為例明典彙楊士奇重修文丞相祠記孟子曰我知言我善

浩然之氣即天地之正氣具於吾身至大而不可屈撓者知之至

養之充而後足以任天下之大事天下之事莫大於君父文丞相

甫冠奉廷對即極口論國家大計元兵渡江又上書乞斬嬖近之

主遷幸議者以一人心安社稷固已氣蓋天下矣自是而斷斷焉

彈力竭謀扶顛持危以興復為己任雖險阻艱難百挫千折有進

而無退不幸國亡身執而大義愈明蓋公志正而才廣識遠而器

宏浩然之氣以為之主而卒其志弗遂者蓋以天命去宋也雖天

命去宋而天理在公必不可已故宋亡其臣之殺身成仁者不少

論者必以公為稱首公事具宋史而公鄉人劉岳申撫公所著日

錄吟嘯集指南錄集杜二百首及宋禮部郎中鄧光薦所述督府

忠義傳以作公傳視史加詳實焉北京之有公祠洪武九年前北
平按察副使劉崧始建於教忠坊今順天府學之右而作塑像焉
永樂六年太常博士劉履節奉命正祀典始有春秋之祭於有司
歲以順天府尹行事宣德四年府尹李庸始至謁公祠下顧瞻祠
宇敞陋弗稱遵用詔旨葺而新之凡祀神之器靡不具備又求岳
申傳刻石將使人道之節世之為臣者光明震動焜焜烈烈有公
也於戲忠孝人道之大節治化所先而崇禮先賢表勵後人尤守
今之急務庸其達為政之本與庸字執中保定唐縣人寬厚明敏
自太學生授工科給事中上親政擢為順天府尹愛人之心剴繁
之才上下皆稱之而盡心中學校敬賢尚德如飾昌平之狄梁公劉
諫議祠而嚴其祀事之類皆其知本之務皆可書也因並書之以
示來者 羅倫宋丞相文信國公祠堂記公名天祥甫弱冠奉廷
對陳君道之大本經世之急務文思神發萬言立就可謂天下之
大材也董宋臣主議遷幸公上章乞斬之賈似道誤國要君公嘗
以義裁之呂師孟偃蹇傲命公又上章乞斬之勤王詔下重臣宿
將縮頭駭汗公提孤兵獨往當之敵次泉亭三軍震動幸相遁荒
公挺身獨往說之可謂天下之大勇也夫慷慨就義快生死於一
旦中人猶或能也若歷履萬死其執彌堅其志彌勵非仁者其能
然乎方公之使北詆罵激烈當死脫京口走真州如揚州趨高郵
抵通州苗再成逐之李庭芝疑之無日而不當死然後遵海道涉
鯨波始立二王開督南劍敗績於空坑當死仰藥於潮陽當死絕
粒於南安當死至就囚燕獄從容南向再拜而死震動天地照耀
萬世可謂天下之大忠也宋之亡死國事者多矣陸秀夫張世傑
死於海李芾死於潭趙鼎發死於池江萬里死於饒姚時死於常

趙時賞死於洪先君武岡公死於吉督府行朝死者不可勝數
雖然死矣未有如公之出萬死而後死微子之去箕子之囚龍逢
比干之諫伯夷叔齊之餓諸葛武侯之鞠躬盡瘁備於公之一身
矣自古亡國之臣未有如公之烈也收宋三百年養士之功立千
萬載為臣之極不在於公乎非仁者之勇浩然塞於天地之間者
乎公去今二百年順天府祠公於學宮鄉郡祠公於城南公之子
孫祠公於富田富田之祠元季兵燹為橫民所奪龍鳳間僉事李
公飲冰復之正統間知府陳公本深繼之景泰間督憲韓公雍奏
加諡號錄用子孫今成化二年僉憲李公齡來掌學事以公九世
孫繼宗入學俾公鄉人周不憲割田贍之是皆有功於名教可書
故書之以詔後世之為人臣者

國朝道光八年重修光緒九年府尹周家楣重修采訪冊

忠節祠在崇文門內東裱背巷祀明少保于謙地即于公賜宅也

祠三楹中塑像歲春秋遣太常寺官致祭公被刑於天順元年復

官於成化二年賜諡肅愍在宏治二年改諡忠肅在萬厯十八年

春明夢餘錄

山右三忠祠在上斜街明天啟四年建乾隆三十九年修嘉慶十

九年重修

采訪冊

祀沁水張忠烈公銓襄陵高忠節公邦佐大同何

忠愍公廷樞三公皆山西人故額曰山右三忠祠堂三楹中楹像祀三忠左右楹木主祀從祀者左爲舊祀明二十人經略標下統兵鎮守奉集等處總兵官都督僉事朱公萬良統兵援遼副總兵官王公誥協守遼東副總兵官管錦州參將事麻公承宗援遼總兵官督都僉事楊公宗業協守開原副總兵官麻公嚴援遼正參將贈總兵官彭公振雲誥贈奉政大夫光祿寺少卿原任陝西鳳翔府扶風縣知縣王公國訓救贈光祿寺寺丞原任順天府香河縣知縣任公光裕統兵援遼遊擊將軍滿公龍鱗誥贈奉政大夫光祿寺少卿原任順天府大城縣知縣武公維周救贈光祿寺寺丞原任順義縣知縣上官公蓋遼東鎮守標下參將管中軍事梁公汝貴誥贈奉政大夫光祿寺卿前分守開原道山東按察司僉

事潘公宗顏誥贈光祿寺卿原任直隸永平府知府張公鳳奇鎮守遼東總兵官督都同知馬公林統兵援遼遊擊將軍李公鎮忠領兵援遼守備劉公興漢領兵援遼千總劉公起佩又戚公士榮楊公其暢右爲新祀

本朝六十四人爲員外郎侯佐參議道劉昇祚濟南道李時同知趙瀚知州李方澂知縣李還春曹邦偉趙家駿薛佩玉郭自修王日俞教諭崔珩王奕葉張化樞黃縉典史陳復新從有度舉人趙居甲提督竇斌贈提督總兵官任舉總兵官張凌霞李全穆生輝副將魏麟贈總兵官遊擊楊光祖遊擊杜國慶竇明運何道深都司王廷衡守備司起龍晉天忠把總李克友知縣溫光裕楊泰段上彩署知縣高士達州同李士麟縣丞徐蒞王牧民袁養民教諭周遠祚曹道醕貢生李旦生員張射斗周于德蕭熙載李冀張琳

